

新刻臨川王介甫先生文集卷五十二

外制

孫寔大理評事制

勅某爾名臣之子能飭身慎行強學自奮而有司會
課當以序遷其進一等以爲士官之屬往共爾職其
克懋哉可

韓鐸試大理評事充天平軍節度推官知遂州
寧縣制

勅某爾用薦者爲令又以修治見稱試職士官序于
幕府字人之任其愈懋哉可

○○○ 主任試大理評事充節推知縣制 卷十二二十

勅某爾任舉者為令而能修其職以見推稱命爾以為幕府之官而又試以字人之事夫南面而聽百里豈輕也哉維能強恕以求仁然後副吾置吏為民之意可

徐瑗試大理評事充保信軍節推知梓州射洪縣制

勅某有百里之地而人民社稷之事繁焉其任豈可
以輕哉爾嘗試矣見謂辨治故又任爾以吾所重而
寵以幕府之官往其勉哉無慢予訓可

王夢易試大理評事充永興軍節推知遂州

石縣事制

勅某朕嘗命汝以幕府之官使長百里之民而汝以
喪自解今除之矣其就故官有社與民往其思勉可

縣尉廖君玉太常寺奉禮郎制

勅某爾職在追胥有功中率故褒序爾使得列于太
常之屬朝廷慶賞之信如此爾其可不勉哉可

陳周翰太常寺奉禮郎制

勅某爾久於職事能以有勞命課于朝當得遷叙奉
常之屬其往欽哉可

太常寺太樂署副樂正李允恭可太常寺太樂署太樂正太常寺攝樂正耿允恭包文顯可並太常寺太樂署副樂正制

勅某等太常上其屬有闕而以爾等聞惟爾等皆善於修聲而任職久矣其遷副正以為署長而使攝正署副正往勵厥官無敢豫怠可

英宗即位覃恩轉官龍圖閣學士至龍圖閣直

學士制

勅永惟左右有能有為之臣皆先帝遺朕以熙眾功者也方惟大賚以勞天下其可以忘而不及哉具

官某惠和敦大明允忠篤列職近侍實為名臣褒序有加往欽乃服可

發運轉運提刑判官等制

先帝享國四十餘年內外晏然克終天祿豈非獻臣才士攸助之力哉不及班命以勞功而朕承厥志爾奉將使指久以才稱膺此寵章往其思勵可

卿監館職制

勅朕初即位奉行先帝故事以勞天下其施及於疏遠而可以忘於近者哉具官某序于書林伐閱多矣率德迪義有稱于時膺踐寵榮往其思愆可

京官館職制

先帝棄天下朕初卽位纂修故事以勞羣臣爾等序下書林皆以才選褒進有典往其欽承可

分司致仕正郎以下京官等制

勅某等朕初嗣位敷錫庶正非特勞在事之勤亦以禮天下之賢者爾等以才出仕登序王官或就里居或分留務往膺寵數咸懋厥修可

○ ○ 諸司使副至崇班內常侍帶遥郡不帶遥郡制

勅某等朕初神位奉行 先帝故事大賚四海阻深幽逃無所不及矣又况朝廷之近臣豈可以忘哉爾

等能以忠力靖共職事進位一等往其欽承可

皇兄叔大將軍以下制

先帝顧哀宗親德念至深厚矣在後之侗其可以忘哉具官某躬執義行序于屬籍承休席寵亦既顯融褒進有章往欽無斁可

○ ○ ○ 皇兄姪大將軍以下制 卷十三二

勅某朕大賜於天下雖疏以遠無遺者矣又况於宗室之近哉爾序官內朝克有善問繩繩之慶協於聲詩褒命有加往其祗服可

○ ○ ○ 覃恩昭憲杜皇后孝惠賀皇后淑德尹皇后孫

第一道今 本供之

卷十三 三

姪等轉官制 卷三十四

勅某等予大祭于廟祧而哀夫先后之家寢替而不章乃詔有司博求其世爾等名在咸里序于王朝各因其官增位一等冀以上稱神靈之意豈特慰予追遠之心可

中書提點堂後官制

勅某等朕大賚于天下有政有事者皆得以序遷爾等各以選掄備官宰旅增位一等往其欽哉可

○○李瑞卿等舊官服闋制 卷三十三 三十一

勅某孝子之悲哀思慕其親豈有窮哉然喪以三年而止者聖人之政也爾以喪致事日月既除其就故官以聽新命夫人之行莫大於孝而孝亦在乎事君能致其身而不愆於義以辱其名然後可以為孝子此宜爾之所知也其勉矣哉可

前太常寺太祝張德温舊官服闋制

勅某喪三年亦已久矣而人子之志無窮故欲為不善則思貽父母惡名而終於不果不如是則不足以為人子復爾祿次維時勉哉終於立身可謂孝矣可

前屯田員外郎任迥舊官服闋制

勅某汝有列於朝廷而以憂去位人子之事親終矣

卷十三終
甲戌二月
十六夜
盧
所山玩月
臨此三卷

則君臣之義其可以忘乎夫移於君而忠移於官而治然後可以爲孝往共爾服惟是勉哉可

前太常寺奉禮郎宋輔國等並舊官服闋制

勅某爾以親喪去位日月既除其來造朝復就官次終身之孝可不勉哉可

前大理寺丞劉辯前衛尉寺丞孫公亮並舊官

服闋制

勅某爾服縗去位順變當除三年之喪亦已久矣君臣之義其可廢乎趣還于朝使卽舊秩勉思移孝之事以就顯親之名可

前大理寺丞王忠臣舊官服闋制

勅某御史言爾以喪釋當日月當除故吾下命書于御史以俟爾之來見爾雖舊官吾命維新其加勸勉求合於以孝事君之義可

前太子中舍張諷舊官服闋制

勅某喪三年天下之達禮也爾能率禮以至終喪其來造朝復爾祿次事君之義爾實知之無違厥初是謂能孝可

前職方員外郎元中舊官服闋制

勅某尚書郎位三等而爾方以勞序于前刻乃以喪

去三年于家今既禫除其還祿次維爾才美有稱於時移孝事君當知勉矣可

前太常博士張詵舊官服闋制

勅某爾去位里居三年於此既除喪矣其就故官忠以事君是爲孝子爾惟知義可不勉哉可

前將作監主簿張扶舊官服闋制

勅某爾遭齊斬之喪而去位釋祥禫之服而還朝班吾命書授爾祿次孝子之事終於立身施于有官可以勉矣可

前駕部員外郎李安期前殿中丞張德厚並舊

官服闋制

勅某禮有三年之喪者無貳事也知喪而已矣先王以爲不如是不足以盡人心此吾所以歸爾于家而不敢勞以事今日月除矣故吾班命書于御史而召爾以來往踐故官勉思終孝可

前內殿崇班馬文德舊官服闋制

勅某爾執親之喪三年於此矣其班新命以復故官維孝有終爾宜思勉可

供備庫副使康疇舊官服闋制

勅某三年之喪苴麻哭泣之哀一也而亦有權制以

趣時此吾獨使武吏之有籍於樞密者得終喪于家之意也爾能率禮今服既除其就故官以承新命可

皇姪右監門衛大將軍仲奩服闋舊官制

勅某送終者人子之大事也爾以喪釋位亦既三年能以禮自致而不犯詩人素冠之義於爲人子亦可謂孝矣還就祿次帥初無違可

同中書門下平章事韓琦奏親姪孫恬守秘校

同中書門下平章事曾公亮親男孝純將作監

主簿姪孫諶試秘校樞密使張昇奏親孫男戒

守秘校叅知政事歐陽脩奏男辨太常寺太祝

叅知政事趙槩奏孫男尤緒太常寺太祝樞密

副使吳奎奏長男璟守太常寺太祝次男瓌試

秘校制

勅某朕受純嘏於神靈而布之在位其官顯者得任其子弟以及孫曾爾生大臣之家是爲賢者之類往保祿秩可無慎哉可

同中書門下平章事韓琦奏親姪女之子曹玆

真定府戶曹制

勅某維名與噐朕未嘗輒以假人爾緣大臣相祀之恩遂階一命之寵出而從仕可不勉哉可

樞密副使胡宿奏親兄曾守祕校制

勅某宗祀之恩仕之顯者皆得官其親族爾躬率善行而有弟為吾政事之臣往服寵榮懋修無斁可

天章閣待制司馬光親兄之子宏試將作監主簿制

先帝有大慶推恩羣臣子弟而爾有叔父實為近臣往即厥官無墮世祿可

廣南東路轉運使祕閣校理蔡抗男潛試將作監主簿制

勅某將潛遠方者皆得官其子弟爾父以才自奮有顯於時往懋厥修以綏祿可

故贈司空兼侍中籍遺表男太常博士元英可屯田員外郎制

勅某等爾孝有庸先朝致位將相歸安第宅而以壽終爾等服采于時實能嗣訓並膺恩典其往勉哉可

龐籍遺表男內殿崇班元常大理寺丞制

勅某士之文武異用久矣爾世以儒學顯而有官籍於內朝從爾父之遺言而以丞于大理往惟嗣訓乃克保家可

三歸川文集 卷五十一 九
龐籍遺表孫保孫寅孫並將作監主簿制

勅某爾祖嘗爲將相佐佑帝室朕哀其亡也故序爾於工官夫大臣之家能久而不失其世者鮮矣往承厥慶可不勉哉可

龐籍外孫陳仲師試將作監主簿制

勅某朕命爾以試工官之屬者特以爾之外祖常爲將相於先朝而已然士之由保任而後能自奮以至休顯者多矣往踐爾次可無勉哉可

太子少傅致仕田况遺表男守祕校至安太常寺太祝制

勅才僑哲之輔有勞於時禮祿旣成而爾嗣厥後其將死以爾爲言膺此寵一宜知勉矣可

故資政殿大學士知河用府吳育遺表孫男儼休並守將作監主簿制

勅某等朕所以顧恤大臣之家而序錄其子孫未嘗有愛焉況如爾祖賢明諒直有補於世朕常思而不忘者乎其各加爾一命以爲工官之屬詩曰夙興夜寐無忝爾所生往其勉哉可以爲孝矣可

翰林學士承旨宋祁遺表男俊國廣國守祕書省正字令持服制

王臨川文集 卷五十二
勅某等爾考承密命于翰林而不幸至於大故眷懷
舊德甄序爾官往其有成祇服予采可

制
宋祁遺表孫松年延年願年並守將作監主簿

勅某等貴臣之世賢者之後朕所不能忘也故爾等
皆在冲幼而列于工官茲所以佑序爾家亦云至矣
爾所以保其祿位可不勉哉可

刑部侍郎致仕崔嶧遺表親孫男俞將作監主
簿制

勅某爾祖嘗服高位考終于家以爾爲言朕其甄序
工官之屬往矣懋哉可

戶部郎中直龍圖閣知明州范師道遺表第三
男世文守將作監主簿制

勅某爾父嘗以才選列官于朝出臨一州奄至大故
錫爾一命爾其勉哉可

光祿卿直龍圖閣張旨遺表親男平易守將作
監主簿制

勅某朕惟爾父致位九卿服勞于官爲日久矣故命
爾以工官之屬以稱其將死之言爾其思爾父之顧
厥家與朕心之哀爾父夙興夜寐無或弗欽可

光祿少卿知單州呂師簡遺表次男昌宗試將
作監主簿制

勅某爾父且死而爲爾求官故以爾試于工官之屬
夫推恩旣往覃及子孫吾所以待人臣者有常法矣
修敕自奮而以保祿位者爾所以爲人子也可不勉
哉可

故光祿卿致仕張璿遺表親次孫彩試將作監
主簿制

勅某爾祖以九卿歸第而遺奏以爾爲言顧哀舊臣
而官使其子孫此先王使仕者世祿之意而吾之所
不忍也其使試于工官之屬以稱爾祖之志焉詩曰
無念爾祖聿修厥德爾方就學可不勉哉可

司農卿致仕余良孺遺表曾孫渙試將作監主
簿制

勅某爾之曾祖仕至九卿退處于家考終厥命推恩
及爾以試工官往慎猷爲且膺噐使可

故光祿卿致仕張溫之孫基試將作監主簿制
勅某爾祖嘗爲侍從之臣而有公忠之節今其亡矣
秩爾以官能善似之乃其無悔可

客省使眉州防禦使張亢遺表孫在至斐並將

三國川文集卷五十二
作監主簿制

勅某爾祖起於文吏而能以才武致力於封疆扞患之功書在王府今其亡矣故各命爾一官往懋爾成毋忘爾祖之勤於國可

司農卿致仕魏琰男太廟齋郎紆守將作監主簿制

勅某爾世載榮祿而父以九卿去位推恩改命序位工官維恪慎可以保家往其勉矣可

虞部員外郎致仕張應符男遘試將作監主簿制

勅某少盡其力至於老則養之不可以不終使之名農而爲士則祿之不可以不世此先王不恐人之政而吾未能逮也今爾父去位而命爾一官使得世其祿以終爾父之養焉此亦庶幾有合乎先王之政爾惟忠惟孝尚稱吾命爾之意哉可

職方員外郎致仕徐仲容男公輔試將作監主簿制

勅某爾父辭祿而爲爾請命于朝傳曰君子之善善也長故善善及子孫此吾命爾以一官之意也經曰事親孝故忠可移於君居家理故治可移於官爾其

念此以自勉哉可

虞部員外郎致仕李卓男元之試將作監主簿

制

勅某爾父積勤序于即位老而致事錄爾一官思世厥家往其無怠可

諸州軍并轉運提刑弟姪男恩澤等並試監簿

制

勅某朕始嗣位推恩宇內爾執方貢以來造朝加賜一官往惟祇服可

王孝叔允春州軍事推官通判春州兼知本州

制

勅某南方荒遠之州吏多憚往而爾請行焉故優以祿賜而以勸賞隨其後往其勉矣思久我民可

縣尉李執中可察推制

卷十二 二十一

勅某先王之政荒則緩刑至于疆不忌死而傷吾良民則去之亦不可以不急此朕所以嚴追胥之令信購賞之科不以歲凶多暴之時而爲之廢格爾能除盜實舉其官遷以懋功往祇乃服可

呂開權淄州軍事推官依前充鎮南軍節度推

官制

勅某爾有除盜之功故賞以一邑而序官于大府辭而有請以便爾私吾用不違往其祗服可

蘇州長洲縣尉富翔潤州丹徒縣令制

勅某朕布爵賞之令以待吏之有勞爾能舉其官以除盜賊遷以爲令使之牧民又將試爾爲政之才非特示朕報功之信可

晉州襄陵縣尉葛願單州武城縣令制

勅某爾職在追胥而能上功中率昇之一縣以懋爾能夫爲令之所事則不特追胥而已必也使人無盜是乃能稱其官可

杭州於潛縣令趙君序號州玉成縣令制

勅某予嘉爾之有功於追胥也故畀爾邑於東南又從爾父之請焉而移爾於號吾於用賞而顧恤爾私亦云備矣則爾之施於有政可不勉哉可

信州鉛山縣尉齊景甫杭州餘杭縣令制

勅某爾追胥有功遷令一邑百里之人視爾以爲休戚矣施於政事可不勉哉可

單州成武縣令李燾江陰軍錄事參軍制

勅某爾修其官能中賞率有司會課予懋爾功愈其勉哉以涖厥事可

潞州屯留縣尉李昌言徐州錄事參軍制

勅某爾能捕盜當得賞官遷督一州之郵往其思稱
厥職可

殿前都虞候利州觀察使賈逵依前官充侍衛
親軍步軍副指揮使制

勅朕有貔虎熊羆之士以衛中國而制四夷考之古
人以制統督莫言某久更任使才武有稱扞城之勞
宿衛之最簡于先帝以暨朕躬思懋厥修往膺休
顯可

衛州防禦使錢晦霸州防禦使制

勅朕初卽位奉行先帝故事以勞天下雖踈且遠
無遺矣又况於朝廷之顯者哉具官某忠勞奕世簡
在帝室能勵厥德自昭于時膺此寵章愈其思勉可
東上閣門使陵州團練使李端懿眉州防禦使
制

勅朕初嗣位奉行故事以勞天下具官某清明敏達
和慎祇修奉侍先帝陟降左右厥勤茂矣其可忘
哉膺服寵榮往欽乃服可

捧日左廂都指揮使嘉州團練使周翰制

先帝棄天下朕初嗣位永惟武力忠勞之士爲國禦

侮其功多矣豈可以忘哉具官某部督有方踐修無過營衛之最簡于朝廷膺此寵章愈其奮勵可

天武左第三軍都指揮使封州勅史程榮可蒙州刺史充御前忠佐馬步軍副都軍頭制

勅某等熊羆之士爲國爪牙均其逸勤率用成法爾等忠勞之實簡在朝廷遷序有差往惟欽服可

轉員制

先帝遺朕熊羆之士以蕃帝室所使統督豈可以非其人哉爾等以扞城之材共禁衛之職忠勞武力皆有可稱各以序遷往欽無懈可

落權團練刺史制

勅某等忠勞之士武力之臣獎衛帝室至其功多矣當序厥位以均逸勤爾等部督有方踐以無過兵團州刺遷進有差往膺寵榮懋建勲績可

單州團練使劉永年可齊州防禦使知代州制勅代地邊要吾所重常擇將以守之以爾具官某武力智謀濟以馴謹踐更中外皆有可稱以進使號往共厥服禦侮以實爾其勉哉可

捧日天武四廂都指揮使端州防禦使趙滋可依前充侍衛親軍步軍都虞候制

勅營衛之士皆天下武力之高選也所使虞度軍中
之事者豈可以非其人哉具官某等造行謹良致位
休顯勲勞之實簡在朕心各以序遷往惟祇服可

式資精察以聽勸勉更中伏昔百而...具官某等

陳舉...單...團...勳...永...平...百...齊...代...切...單...如...映...升...限...備

棘...某...善...忠...勞...之...士...方...式...之...百...樊...至...其...如...矣...當...一

刻臨川王介甫先生文集卷五十三

外制

李端愨東上閣門使制 卷十三二十三

勅閣門置使官盛地親非有嘉績令名不能勝其任
也具官某於朝廷有詳練之實於戚里有茂勉之聲
非專為恩以致此位積功久次當得右遷其愈勵哉
往共厥服可

石遇四廂都指揮使制 卷十三二十二

勅虎賁之士周公以為人主所當知恤者也又况所
使將此哉具官某比以材選服勞于邊折衝禦侮嘗

有所試矣遷進使號付之部督往其欽慎以報寵榮可

○○竇舜卿四廂都指揮使制 卷十三二十一

勅國家置帥兵以為衛所選皆天下之材付之部督未嘗輕其授也具官某踐更邊要忠力有聞選將營屯衆論惟允序遷厥位其往欽哉可

○○其昭吉入內副都知制 卷十三二十一

勅古者王之正內必有任職之臣予若稽古而思得吉士以充其選以爾服勤左右多歷歲年有專良之稱無側媚之毀其使序于正內以充廷論之公焉爾其審門闈謹房闈入宣宮令出贊朝事悉心夙夜一以忠信則維予爾嘉爾亦永綏乎寵祿可

入內內侍省內東頭供奉官宋有志東染院副使制

勅某爾久於內侍承事有勞自求外遷以便醫藥超升位等往服恩榮可

○○李用和六宅副使制 卷十三二十五

勅爾忠力武敏有稱于時出將一州亦能用治西南之屏總制戎兵比難其人以爾攝事夫以才得選而久於險遠之勞不先有賞以加焉何以勸夫能者躡

遷位等茲實異恩往祇官成無廢吾事可

內殿承制閣門祇候宋良禮賓副使制

勅某爾典制一軍有民有社論功考最當得片遷惟爾以才嘗更選擢往欽新命其愈懋哉可

內殿承制閣門祇候王嵩禮賓副使制

勅某爾以才智勳效自昭于時董督徼循實任邊要序勞當進以介諸司朕命維休往其欽服可

西京左藏庫副使李景賢文思副使制

勅某戎馬之寄常難其選爾以才諳久於任使一州政比有可稱超進位等往膺寄屬勉思報稱無或

不祇可

西京左藏庫副使穆遂文思副使制

勅某爾徼循蠻方爲日久矣更書且下而使者乞留超進厥官以共舊服往惟勸勉膺此寵榮可

西京左藏庫副使石用休文思副使制

勅某爾以才選比更任使右司會課當得進官往服訓辭無瘼乃事可

西染院副使兼閣門通事舍人夏偉內園副使

依舊閣門通事舍人制

勅某賓贊受事之職吾以武史爲之而甚難其選爾

能祇飭以稱厥官會課有司官遷位等往祇休寵可

內殿承制譚德澗供備庫副使制

勅某朕永惟陵寢之嚴而選侍以護之爾往任事靖共厥職有勞可錄其以序遷祇服寵章勉求稱位可

內殿承制楊宗禮供備庫副使制

勅某監一路之軍而按撫其人又典一州之政非才能行治有紀于時孰可以稱此哉爾久于煩使能勤厥事故遷爾位以介諸司而使往焉其慎以防患而敏於趨功以稱推擇之意可

樞密院副承旨張繼渥供備庫副使制

勅爾典掌機要服勞歲久以疾自上求為外官遷介諸司往膺器使可

內殿承制朱漸供備庫副使制

勅某賦祿序官邦有常法爾勤厥服會課當遷維器與名職思其稱乃其無罰可不勉哉可

承制王欽李惟正並供備庫副使制

卷三十三

勅某等嘉我未老而經營四方詩人之所謂賢勞也可無報稱哉以爾欽戍于南古之窮而任監護之官以爾惟正屯于西路之要而服追胥之事其役遠其責重而能祇慎所職以有累日之勞其各遷位介于

內朝之使以爲報稱夫有功而見知則說矣此人之情也以所願乎上施乎下則士孰不樂爲爾用哉其亦勉之而已可

○○○崇班胡珙等改官制

卷十三 十九

勅某等功懋懋賞先王之所以厲天下而成衆治也今吾使某監兵馬于外而使某典治材于中皆積日月以赴功其各賜官一等以稱吾懋賞之意可

軍員等換諸司使副承制崇班制

勅某等褒嘉忠勞被以祿秩先帝有成法朕不敢違爾等序列禁中有宿衛之最外遷厥位以慰久勤進服寵榮往圖勲效可

王保常內殿承制制

勅某朕布大號於天下文武在位皆升一等序勞當遷者又皆得以時遷爾服采禁中積功有賞膺此休寵往惟勉哉可

新宗末內殿承制制

勅某承制之官本朝所置非積善累勤之武吏則不得在此位焉爾服采有庸校年當進其往祇踐以稱寵榮可

閣門祇候狄詢內殿崇班依前職制

勅某爾名臣之子任事邊陲積歲有勞序官一等往其淑慎思世厥家可

楊元內殿崇班制

勅某爾爲廷臣奔走厥職有勞可錄序進厥官惟忠與勤所以報稱往踐祿次可無勉哉可

張建中內殿崇班制

勅某爾總戎馬地濱不毛爲之二三年能固吾圉遷秩一等往其懋哉可

慶州肅遠寨蕃官都巡檢崇儀使慕恩北作坊

使制

勅某爾武力智謀有稱種落徼循扞禦勳效焯然莫府條陳允於衆論超遷使號往愈懋哉可

○○○陳竒太子中允致仕制

卷十三 二十六

勅士之疲癯老耄以至失職而不能自止者蓋有之矣爾年尚強而疾不至乎廢官刺舉之官未嘗以爾爲言而能自列致其職事可謂行已有耻而無負於周任之言寵爾以東宮之官其勉終行義歸教鄉閭之子弟以所聞而求自比於古之仕焉而已者可

○○○孫戾太子中允致仕制

卷十三 二十七

勅某大夫七十而致仕其禮見於經而於今爲成法

爾以經術起家為吏既聞夫古之禮又見夫今之法
矣年至而求止可謂行其所知宜列序於朝廷使歸
榮其邑里夫惟爾之筋力不足以有為也故可無職
事之責焉若夫德義則爾尚可以勉之吾亦不以爾
老而無責也可

樞密副使吳奎父太常丞致仕制

勅某德善之賚子孫與焉況於其親宜有崇獎具官
某克生賢子教以義方協于詢謀掌國機密超遷厥
位以佐共工往服寵章就安榮養可

江陰軍錄事參軍李燾父文俊守祕書省校書

郎致仕制

勅某先王之政未有遺年者也故朕因宗祀之慶而
有爵命之施焉爾躬率義方又能教子享其祿養以
至耄期膺此寵榮往綏壽善可

工部侍郎充集賢院學士崔嶧刑部侍郎致仕

制卷十三二十五

勅仕焉而告老者自一命以上必有以慰其歸況吾
適臣恩紀所厚宜增位序以示褒優以爾具官比以
明揚父於煩使入參侍從出備藩維踐更滋多寄屬
惟允引年辭位得禮之宜進貳秋卿以營居息古之

王臨川文集卷五十三
老者非苟自佚其身唯慎行祇法以助成王德爾所知也往其懋哉可

前著作佐郎周濤大常太祝梁構光祿寺丞致仕制

勅某爾嘗辭祿而在位以爾爲材寘諸京官使長一邑果能有績以見推稱將疇爾勞遽以疾告夫學士大夫之去位豈苟自佚而無爲古之仕焉而已者爾蓋聞其風矣丞于卿位維是懋哉可

殿中丞致仕郝中和國子博士致仕制

勅某爾謹廉爲吏得列朝廷不隳厥官以至告老宜有褒進用爲歸榮序于成均往服無斁可

前荆門軍當陽縣令商瑗太子中舍致仕制

勅某爾從仕久矣而不失廉稱方踐老境乃能知止東宮之秩歸服厥榮可

處州錄事參軍趙九言太子中舍致仕制

勅某爾以學入官老而能止踐更多矣不失廉稱著籍東宮以爲爾寵可

鼎州錄事參軍張構太子中舍致仕制

勅某爾方仕于州縣而寵爾以東宮之官有列于庭亦云顯矣用嘉知止歸矣勉哉可

前江寧府觀察推官試大理評事董安太子中舍致仕制

勅某爾學古入官稱譽者衆方圖乃績遽欲歸休進秩東宮以嘉知止可

舒州錄事叅軍龍與太子中舍致仕制

勅某爾仕焉欲致其官故吾寵以東宮之秩歸安田里是亦顯榮其慎厥修以終燕譽可

復州錄事叅軍鄭旦太子中舍致仕制

勅某爾居官無疵而以病告知止不殆是維可嘉東宮之官其往祇服可

前南儀州推官試大理評事馬昂衛尉寺丞

仕制

勅某京官吾所重也選於吏部者非有尤異之績與治行爲衆所稱則莫能得之爾旅方旣愆而能自止承于衛尉其往欽哉可

前知連州連山縣袁仲友太子洗馬致仕制

勅某爾以經術中科久於銓集老而能已義有可嘉列職東宮以榮歸息惟慎所止克完厥終可

縣令東野瓘太子中舍致仕制

勅某仕者七十而致事禮也爾年未至而願歸田里

王臨川文集卷五十三
比夫旅力已憊而不知止者豈不賢哉進位于朝錫
從居息可

主簿王正臣守祕書省校書郎致仕制

勅某爾仕焉而欲去其位故吾寵以官署之官夫還
州縣之勞而就里居之佚無賦徭之役而有重祿之
加惟慎厥終乃其不愧可

主簿孫檢守祕書省校書郎致仕制

勅某爾以貲爲吏詣老于朝列職祕書以爲爾寵歸
安田里惟慎厥終可

主簿李琳國子監丞致仕制

勅某仕者七十而告老古之道也爾能率禮朕用嘉
嘉往卽新恩勿忘初服可

縣令郭震太子中允致仕制

勅某爾進士起家而久於州縣之職春秋未艾自請
罷休列職東宮以榮歸息知止不殆愈其懋哉可

李日新左清道率府副率致仕制

卷十三 二十九

勅某爾考授命於戎行而爾得列於化籍老而知止
褒序厥官歸休之榮往服無斃可

右侍禁王餘慶率府副率致仕制

勅某爾能知止義有可嘉以東宮率府之官爲爾居

里之寵是亦榮矣往其勉哉可

右侍禁段獻右清道率府副率西頭供奉官劉友俊右清道率府率並致仕制

勅某爾久於官使請老于朝宜有進遷以爲光寵歸安爾止惟慎厥終可

文思副使陳惟信左驍衛將軍致仕制

勅某旅力已憊而不能自止者有矣爾能告老于義無慙遷將衛兵往綏榮祿可

內殿崇班袁政李周道並左監門衛將軍致仕

制

勅某爾服勞久矣奉事無過能自知止義有可嘉登進厥官以帥門衛歸安榮祿尚克勉哉可

西京左藏庫副使馮維禹文思副使前行漢陽軍錄事參軍兼司法事施章于太子中舍致仕

制

勅某仕焉而已者考其行治能以潔白自終宜有褒嘉以慰其意爾嘗學禮得仕州縣老而知止可謂有終遷位于朝往欽無斁可

東頭供奉官趙行世左清道率府率致仕制

勅某老聃有言曰知止不殆爾服勤于官久矣而能

以疾辭位無負於老聃之言故吾命以東宮衛府之
官以嘉爾之有勞而知止往哉居息思慎厥終可

主簿朱涇等太子洗馬致仕制

勅某等爾等晚而出仕皆以廉稱老矣告休是能知
止其各遷秩以爲歸榮可

○○李昌言許州司馬致仕制 卷十三二十八

勅某掌書以贊計官之治久矣致其職事宜有賚焉
司馬于州往欽無斁可

皇太后三代制九道

曾祖母

勅位尊者享大德盛者流遠追崇之禮於國有初
皇太后曾祖母某體仁蹈義不躬榮祿慶垂厥後光大
顯融乃生碩女坤育天下命書爵號申賁諸幽尚其
靈明嘉此休寵可

曾祖母

勅朕雖軫然在疚而不敢志顧復之慈肆有命書以
上稱追遠顯親之志 皇太后曾祖母柔惠安婉來
宜大家垂休後昆作合 先帝追崇爵號其尚知榮

祖

勅惠術尚均而自親貴始古今一體也其可以忘哉
皇太后祖某明德大功簡于帝室配食宗廟始終哀
榮慶流于孫母育四海追褒有典庶或知歆可

祖母

勅邦有大賚夫人待於下流豈外戚之尊所當褒而
可以忘哉 皇太后祖母高氏承慶淑人來嬪巨室
蓄德之厚垂休無窮協兆塗山世滋以大追錫爵命
冀能歆嘉可

祖母

勅佐佑 先帝顧復朕躬追誦寒泉之詩永惟欲報
之義當有爵命以上副顯親之心 皇太后祖母劉
氏柔良靚專被服華罔寵祿光大集于後昆啓佑碩
人比賢文母追褒太國其尚知榮何

祖母

先帝褒厚母黨致仁盡孝朕雖在疚而奉承故事不
敢愆忘 皇太后祖母劉氏內順外嚴罄無不淑德
祚流行遠而彌興追命有章尚慰窀穸可

祖母

勅朕以薄德奉承大統永惟 先帝故事不敢有志
皇太后祖母高氏溫柔靚深有婦之道相協君子卓

為臣宗垂延後昆福祿滋大膺此休命尚知榮歆可

父

先帝奄忽弃捐萬邦不及推恩以勞幽顯予末小子
敢忘遺訓 皇太后父某循德秉義聞于當世發祥
流祉燕及後人篤生聖女母育天下褒封有數尚慰
于幽可

母

勅朕眇然之躬當奉七鬯以承宗廟大賚及於幽顯
矣永惟母黨之重可以後而忘哉 皇太后母志順
德嚴克配君子光大之福集于聖女有輔佐之功於
先帝而施及在後之侗命書追崇尚恩營魄可

皇后三代制十道

曾祖瓊皇任忠武軍節度使贈侍中累贈尚
書令兼中書令追封韓國公贈太師

勅后率六宮以教天下之婦順其位尊如此則所以
襲崇其祖考禮不可以無稱也 皇后曾祖某忠勞
武方為國虎臣慶集後昆比隆任姒追加位號以顯
厥魂尚其有知膺此休寵可

贈祖母潘原縣太君追封滕國太夫人

勅朕初卽位褒厚異姓率由先帝故事不敢有志

皇后曾祖母李氏柔惠靜嘉能循法度來嬪巨室休
有淑聲慶流厥孫正位宮壺胙封名國其尚知榮可
曾祖母隴西郡夫人李氏追封舒國太夫人
勅朕奉循先帝故事以勞天下阻深疏逃皆有以
加之矣又況於外戚之貴哉皇后曾祖母李氏嬪
于高門率德唯謹詒慶厥後是生碩人兆協厥祥登
儷尊極追褒有禮其尚知榮可

祖繼勳建雄軍節度使累贈太師中書令可
特贈兼尚書令

勅尚書錄天下之政而令一品也人臣位號於是為
盛皇后祖某忠勞奕世能壯厥猶為國扞城有
休顯娥莘之慶乃集後昆膺此追榮尚知嘉享可

祖母會稽縣君康氏追封祁國太夫人

勅朕承先帝聖緒大賚及於幽顯疏逃以賤者加
之矣貴而感者其可忘哉皇后祖母康氏馴行婉
容協于雋德慶垂厥後坤育草方追命有邦尚榮
窈窕可

祖母太原郡太夫人鄭氏追封鄖國太夫人

勅夫治內政修陰教以助朕一天下者所以褒崇
其世可不厚哉皇后祖母鄭氏率德秉義協于君

子關雎之詠傳祉厥孫申錫貧書啓封名國尚其靈
淑嘉此追榮可

祖母金城縣太君下氏追封成國大夫人

勅傳稱德厚者其流澤廣故今追命之數視其子孫
位號之卑尊矧夫後世登僂尊極則致隆其封爵豈
不宜哉 皇后祖母王氏來嬪大家率循德禮有開
後嗣協慶塗娥申錫名邦尚榮幽窆可

父遵甫皇任北作功使特贈檢校太傅保信
軍節度使

勅春秋書季姜之歸而傳右有褒紀之義崇寵異姓其
所從來久矣 皇后父某承世之慶列官于朝雖德
義有稱而不終榮祿祚流後世正位內宮追命有加
以慰窀穸可

母鉅鹿郡君曹氏特追封沂國太夫人

勅國有大賚凡在廷之士皆得追褒其父母而況於
異姓之貴哉 皇后母曹氏胄于名王歸得吉士率
禮蹈義有稱閨門迎渭之祥實開厥後膺此恩典尚
知歆榮可

母樂壽縣君李氏進封均國夫人

勅人主之所以風天下者豈非外戚之助哉故夫封

爵褒厚之禮其所從來久矣未嘗有改也 皇后母
季氏躬以德義嬪于令人能大厥家比隆任嬖錫之
象服昨以名邦往即寵榮勉綏壽善可

異教之貴若 皇司母曹氏曾于各王臨縣吉士率
林園百大養凡五其之士其日骨其家其父母而民
世聖典禮音曹氏其世佳氏國太夫人

以懋密交石

美其辭而不絲榮赫赫流於世世五出內宮其命有
西翁來久矣 皇司父某承世之變既官于時

新刻臨川王介甫先生文集卷五十四

外制

宰相富弼三代制六道

曾祖

勅大臣有慶於國則爵命上施其考祖所以章賢德
廣褒勸也具官某曾祖某躬執義善廢身揚名詒於
曾孫集有福祿登踐樞極卓為臣宗申命有加尚榮
幽安可

曾祖母

勅宗工之選所以寵雋良大國之封所以褒賢淑具

官其曾祖母某氏順足以有相嚴足以有臨來嬪名家詒祿厥後爲國元老儀刑萬方開號全齊旣光大矣徙之北國其愈知榮可

祖

勅列爵五等莫尊於公必有盛德之士然後可以膺此號具官某祖某秉哲迪義不躬顯榮祚流聞孫爲世碩輔追襲之禮旣極寵崇序爵啟封尚其嘉享可

祖母

勅天子之宰朕所恃以綱紀四方者也爵命加其祖妣豈不宜哉具官某祖母某氏蓄德在躬以成家室履祥於後以遺子孫申錫有邦蓋惟舊典魏八名也以是追封豈特爲窀穸之榮亦所以佑其後世可

父

勅士以有子爲榮子以顯親爲孝宗公元老世恃以寧當有追崇之恩稱其致孝之意具官某父某惠和敦大明允忠篤位不侔德乃生碩人寅亮先帝寵綏四海方興就事佐佑朕躬申命有章兼榮幽顯可

亡母

勅朕初纂服登用舊臣褒厚其親率循故事具官某母某氏顯相吉士篤生碩人壽善康寧考終福祿追

榮新竊申命大邦尚其淑靈膺此休寵可

參知政事歐陽修三代制六道卷十四

會祖彬贈太子少保可贈太子太保

勅君子善善之義下及子孫况推而上之至其祖考所以褒美崇寵豈顧可以不稱哉故先王宗廟之制視其爵位之高下以為世數之遠近而本朝追命之禮亦從其子孫名數之卑尊具官某會祖某潛於丘園躬有善行畜積之慶施於曾孫為時宗工名重天下圖任以登於右府褒嘉當及其前人東宮之孤位已顯矣進秩一品尚其享哉可

會祖母追封延安郡太夫人劉氏可追封榮

國太夫人

物尊之欲其貴親之欲其富豈特人主有是心哉推是心以施於人此人主所以與天下同憂樂之意也祿有厚薄故禮有隆殺位有高下故施有遠近古之道也其可忘哉具官某會祖母某氏含德在躬作嬪令族積善之慶覃其後昆惟時聞孫實朕良弼登與政事人無間言其疏大邦之封以報流澤之施寵靈之極尚克享哉可

祖贈某官

此立与後張昇祖互誤

勅朕惟有天下者得推其祖考上配於天蓋孝子慈孫所以極其尊崇之意推是心以及夫在位則其寵祿之厚者豈不欲以及其所謂尊親者哉此朕所以褒寵大臣之先以尊爵貴官而有至乎三世者也具官某祖某積德累善施於後嗣爲予輔弼始大厥家東宮之孤旣以命汝增榮一品尚克享哉可

祖母

勅朕疏郡縣以君諸臣之母欲以懋慈孫孝子之心至於政事之臣則封國及其王母所以望其功者厚矣則慰其心者顧可以薄哉具官某祖母某氏來續名家克配君子積善之福單於其孫左右朕躬豫圖政事嘉而有後錫以大邦維靈在幽尚克膺此可

父

勅大臣得爵命其先人至乎公師非古也然禮者人情而已矣當於人情而義足以勸士則何必古之有哉具官某父某蓄其德善不顯於世克生賢佐爲朕股肱東宮一品人臣高位追以命汝用嘉有子尚其享此以稱饋祀之盛哉可

母

勅古者子爲諸侯大夫而父爲士則其祭以諸侯大

夫之禮朕以謂得享其禮而位號不稱則不足以盡孝子之心故今有列於朝廷皆得追崇其考妣又況於爲吾左右輔弼之臣哉具官某母某氏婦順母嚴稱於天下能教其子爲時名臣協於詢謀進斷國論雖祿養不及而饋享有加啟封大邦於禮爲稱尚其幽窆知享此榮可

○。○。樞密使張昇封贈二代制八道

會祖某贈某官

卷十四

勅傳曰學士大夫則知尊祖矣若夫流澤之施於後世者博矣則其崇報亦當有以稱焉此予所以隆寵大臣而追命之禮有至於三世也具官某曾祖某以武力充選以忠勞備使積善之施單及後昆爲時老成宰制密命帝傳之位厥惟尊榮今予爾嘉舉以追錫尚其幽窆知享此哉可

會祖母贈某國太夫人

勅祖考之富且貴則其澤流於子孫而諸婦與榮子孫有爵祿之寵則其尊歸於祖考而饋祀之盛亦及乎其母古之道也後世因焉今朕尊禮大臣而爵命上施其三世於經未嘗有也而豈害於先王制禮之意哉具官某曾祖母某氏嬪恭令人躬有馴德積善

此封贈歐陽祖文誤列此

之施久而愈彰至於曾孫克協朕心爲世元老執邦之樞福祿之來實維爾慶改封大國以寵淑靈尚其有知享此休命可

祖

勅爲吾政事之臣所以崇寵之者備矣於其尊大前人之志亦宜有以稱焉具官某祖某積行在躬潛而不耀畜其善慶以賴後昆厥有聞孫爲朕良弼典司機要海內所瞻追命之榮至於帝傳進登師位以極褒嘉尚其冥靈膺此休顯可

祖母

考考莫大於尊祖仁莫高於顯親今吾追命大臣之心而已其德博者其施遠其位盛者其報豐具官某祖母某氏徽柔靜恭克相宗事佑啟後世爲時元臣執國之樞以佐吾治其施可謂遠矣其報可以薄哉改錫大邦以爲爾寵賁於窀穸尚克知榮可

父惠贈太師可贈中書令餘如故

勅朕有高爵厚祿以禮天下之士而與之共政又本其流澤之所自而追命以尊官豈特崇寵大臣亦所以勉人親之教子具官某父某潛德晦行榮於丘園

積仁之慶實在其子終有成德爲吾宗工踐更二府
執國機要追褒之命登爾太師其遷令於中書以極
褒崇之數尚其寵宥享此休榮可

嫡母追封德國太夫人劉氏可追封許國太
夫人

勅先王制禮及後世而彌文顧所以順理而卽人情
古今一也夫福祿之盛流澤尚及乎子孫則名數之
崇追命當加其考妣具宥某嫡母某氏柔良之行溫
惠之德輔相君子克成一
家以有賢息掌予機密及
親之寵歛有舊章顧爾位號旣榮極矣其班新命寵
以大邦賁於無窮尚克嘉享可

所生母追封慶國太夫人王氏可追封蜀國
太夫人

勅傳稱春秋之義母以子貴說者或非焉而人子之
愛其親豈有窮哉已則富貴而親不與焉固人情之
甚可哀者也當有追崇之禮稱其思慕之心具官某
所生母某氏溫柔惠和得媿君子克生賢佐爲朕寶
臣允於庶言秉國樞要追之榮之旣啟爾邦其改新
封以鴻後慶尚其冥漠言此恩榮可

亡妻田氏可追封京兆郡夫人彭城縣君劉

王時文集卷五十四
氏可追封彭城郡夫人

勅臣之德善勲勞稱其位而有施於國君之爵祿慶賞疇其功而有報於家股肱之良參決政事施於國者其責厚矣報於家者亦宜稱焉以爾具官某妻某氏溫柔靜嘉嘗配君子遭會不淑不終顯榮某言於朝爲爾請命考諸恩典厥有故常乃疏大郡之封錫以小君之號所以崇貴寃宥而副吾大臣追往求舊之心尚其有知享此休寵可

樞密副使胡宿封贈三代制六道

曾祖

先帝褒厚羣臣德施及乎寃宥朕奉承遺訓不

哀恫之故廢具官某曾祖某蓄德深博久而彌興有偉人出其後世佐佑先帝以暨朕躬追命於幽尚嘉營魄可

曾祖母

勅大臣有賞於國則爵命上施乎三世先帝所以褒功德也朕敢忘哉具官某曾祖母某氏齊嚴靚專柔嫵安婉集有祉福施於孫曾爲時宗工德望休顯膺此追命尚其知榮可

祖

王臨川文集卷五十四
勅詩曰不愆不忘率由舊章朕遵先帝之法以勞賜大臣及其父母不敢以哀恫之故廢具官某祖某躬率令德以成厥家有孫而賢執國機要膺此休顯尚能嘉歆可

祖母

勅朕初卽位遵先帝故事大賚於四海而大臣之祖妣與焉具官某祖母某氏以順爲令妻以嚴爲賢母集有馘穀以詒厥孫爲時宗臣世祿滋大追錫休命尚其知榮可

父

先帝弃萬國朕初卽位凡在廷者皆班爵命顯其所以稱先帝顧哀羣臣之意具官某父某蓄積德義以成福祿燕及厥後爲時宗工追錫之榮旣光大矣褒嘉有數其尚知歆可

母

先帝有大賚必及羣臣之父母朕初嗣位不敢有廢也具官某母某氏以順爲婦而能正以嚴爲母而能慈肆有福祿集其後世徙封大國以顯厥魂可

樞密副使吳奎封贈制二道

父

勅朕初卽位班爵命以寵諸臣之父母蓋惟先帝故
事不敢愆忘具官某父某德善之修有聞於世義方
之教能大厥家序位朝廷旣隆顯矣褒遷有典其往
欽哉可

母

勅永惟政事之臣天下國家所恃以安且治者也所
以褒厚及其父母豈可忘哉具官某母某氏馴德淑
行來寧巨室母有賢子爲時宗工班命於朝旣疏名
郡徙封之寵其往欽承可

皇故第十三女追封楚國公主制

卷十四

勅先王制禮有卑尊疏戚之宜惟至親得以致怡痛
之恩唯至貴得以極褒崇之意皇故第十三女方在
襁褓尚其有成位號未正奄與物化蓋王姬之車服
下后一等而不視其夫情文之隆於是爲稱則雖天
闕其可弭忘追命啟封昨之全楚以終天性之愛且
慰幽窆之靈焉可

故充媛董氏贈婉儀制

勅雞鳴思賢妃而關雎樂得淑女永懷邦媛內助官
闈愨飾厥終當加位號故充媛董氏有德讓之美無
險謁之私進登嬪婦之官率循保阿之訓奄忽至於

三國川文集卷五十四
大故茲用愴於朕心思典寵章以賁幽窆尚其弗泯
知享此榮可

樞密副使吳奎亡妻趙氏追封信都郡夫人制
勅追遠念舊而不忘者行之厚而大臣有求於此朕
豈可以忘哉具者某亡妻某氏柔嘉在躬作配君子
不克偕老茲惟未懷能辭生者之恩以丐追封之寵
昨以名郡尚其知榮可

樞密副使胡宿亡妻崇仁縣君吳氏追封蘭陵
郡夫人制

勅夫人能相其君子終以休顯而不與享其福祿豈
非人情之所愍惻哉具官某妻某氏躬率德善効
大家續夫之榮肇啟爵邑方五良弼登執事樞嗟爾
淑人旣營封壤賜之名郡追賁諸幽尚其雖沒而有
知亦以慰夫生者可

故董淑妃養女御侍張氏安福縣君依舊御侍
制

勅某氏爾爲妃所鞠而序於女御之數啟邑賜號以
廣逮下之恩徃服命書勉循陰教可

故董淑妃養女御侍李氏仁和縣君依舊御侍
制

勅某氏爾以徽柔備數女御賜封大邑用示褒嘉往服寵榮愈其淑慎可

聽宣蔣氏張氏並司言制

勅某後宮之職各有等差必來淑女以贊內治爾惠和安婉服采維勤遷序厥官往欽休命可

淑妃董氏遺表父右侍禁安內殿崇班制

勅某卿大夫之終於位者朕所以顧恤其家未嘗不備也永惟良淑有助宮闈序位既崇則推恩宜厚閱其遺表爲爾求遷超進厥官往求自稱可

德妃沈氏姪孫獻卿可試大理平事制

卷十二

勅朕於后妃之定不欲以恩撓法法之所當者義亦無所愛焉爾方眇然未克有知而以外戚之恩得試埋卿之屬時乃邦制不爲爾私勉哉有成以待官使可

沂國公主趙氏奏苗賢妃親姊永安縣君苗氏

男張士端試將作監主簿制

勅某朕布大慶而士緣外內族親之故以得官者衆矣雖進非用德然能致其材以保祿位則亦足以自昭於時爾與此榮當知懋勉可

右監門衛大將軍令襄故母錢氏可追封仁和

縣君制

先帝以孝治天下故因宗祀大慶施及諸臣之父母具官其母錢氏躬率德善來宜宗室雖不終榮祿而有子克家追錫寵章冀能嘉享可

大將軍從信故所生母許氏追封平原縣太君

制

勅許氏朕於在廷之臣皆有以褒原其親也况於近屬恩禮所先者乎爾順善和恭甚宜家室克生宗子實胙大邦當號爾封遽棄榮養進君一邑以慰孝心尚惟叔靈知享此寵可

大理寺丞蘇唐卿母孫氏萬年縣君制

勅孫氏朕既肆祀於明堂而錫命以褒諸臣之母尚惟高年及養而禮秩有所不加故推異恩以慰其意爾年耄矣而有子列於主官其疏爵邑之榮以原閨門之慶可

試監簿祁元振亡母丁氏追封昭德縣太君制

勅某母丁氏爾嬪於名卿不預寵封之慶沒有良子乃蒙增秩之褒願移恩榮追慰顧復俾疏大邑以燕孝思可

參知政事歐陽修女樂壽縣君制

勅歐陽氏汝父爲吾政事之臣而緣國大賚丐恩及汝賜之封邑亦有故常祗戒勿違以承茲寵可

同中書門下平章事文彥博女大理評事龐元直妻特封安福縣君制

勅文氏爾父爲時元老而爾母當得褒封辭其寵章爲爾求邑爾承德義之慶而嬪宗公之家膺茲顯榮可謂稱矣可

同中書門下平章事宋庠親孫女特封永寧縣君制

勅宋氏朕有大封之慶而爾母與焉辭其寵章爲爾請邑爾惟名族有常象服之宜是亦榮矣可

故贈司空兼侍中龐籍遺表長女南安縣君冀州支使陳琪妻安康郡君制

勅龐氏封爵吾所重也爾考嘗爲將相而其沒也以爾爲言加錫郡封蓋非常典爾維令淑往服寵榮可第五女大理評事趙彥若妻德安縣君制

勅龐氏爾考嘗輔佐先帝而有勞於國今其不幸爲爾請封夫以女子受爵於朝而不繫其夫其亦榮矣往惟順淑以服寵榮可

第七女壽安縣君制

勅龐氏女子從人者也故封爵視其夫子而已矣爾父嘗勤勞於國而爲先帝大臣今其薨殂爲爾請邑考於恩典厥亦有初徃服寵榮勉之無斃可

節度使允初長女殿直梁鑄妻特封嘉興郡君

制

勅趙氏朕於宗室親疎有秩也今爾旣成婦矣而宗王爲爾請封爾維懿恭循禮無夫以君大郡可謂顯榮其徃懋哉爾宜欽服可

宗說第十八女右班殿直楚奎妻永泰縣君制

勅趙氏朕初卽位敷錫庶邦爾躬行柔嘉實維宗女其封大邑徃服厥榮可

右屯衛大將軍茂州刺史克洵第二女右班殿直宋玘妻等並特封縣君制

勅趙氏凡內女之嫁者爵邑不繫其夫所以廣親親也爾嬪於世族率禮有常錫命啟封是爲恩典思稱厥服愈其懋哉可

右屯衛大將軍登州防禦使邢國公世永第三女左班殿直徐鎮妻特封金城縣君制

先帝褒厚宗室女子之嫁者爵命有不繫其夫朕初卽位不敢忘也具官某女某人妻趙氏夙承禮教率

用祇德歸於世族婦順有稱錫以縣封往膺休寵可
右監門衛大將軍仲勸新婦陳氏封邑制

先帝布大慶於天下朕初卽位永惟嗣訓不敢有忘
具官其妻陳氏順善和嫺嬪於宗室賜命大邑示均
神釐率禮勿違以稱休顯可

皇兄故保康軍節度觀察留後承簡贈彰化軍
節度追封安定郡王制 卷十四

勅樂其生而哀其死欲其富貴之無窮仁人於親戚
莫不然而王者得盡其褒崇之意具官某於宗室為

正屬於朝廷為大官有溫恭恪慎之稱無驕嫚逸欲
之過不幸至於窳窳用震悼於朕心義兼親賢因

當稱今夫建牙樹纛節制一軍而封爵至於稱王人
臣之極也朕其追命以賜焉尚其有知享此休顯可

皇弟故右屯衛大將軍霸州防禦使承俊贈崇
信軍節度觀察留後追封樂平郡公制

勅詩曰死喪之威兄弟孔懷以天下之貴富而得盡
其親親之禮則榮名尊爵豈宜有愛於此哉具官某
馴德謹行稱於宗室奄終厥命實悼朕心寵之以留
後之官褒之以郡公之號尚其幽窆克享茲榮可

皇姪孫世芬贈洛州防禦使追封廣平侯制

勅置使以扞防爲職建邦以察候爲名非親且賢何以堪此以爾具官某序於近屬舊有令名未加褒崇遂至窳窳其追賜命以慰厥靈尚克有知享茲休顯可

供備庫副使李詵父皇任鎮潼軍節度觀察留後贈感德軍節度使兼侍中端懿贈司空兼侍

中制 卷十四 三

勅某朕有釐事於上神而幽顯並蒙其福具官某父某纘承德義被服文儒出入踐更有榮爵祿能以才業自昭於時壽善不兼慶流厥子追崇位號尚克知

勅可

武勝軍節度觀察留後王凱贈節度使制

卷十四 五

勅將帥之臣出乘疆場而有執敵捍患之材入總營屯而有折衝銷萌之用則序功錄德當以厚終以爾具官某戰攻之多守衛之最有賞於國有稱於時而能悉心夙夜祇慎厥職不幸至於大故朕用臨弔而悼焉其追加一命使得建節樹纛稱其祔葬之禮沒而有知也尚能享吾休顯之報哉可

太常少卿權判太僕寺馬從先父震贈右領軍衛大將軍特贈尚書工部侍郎制

勅朕獲執玉幣以承上帝燕及聖考者豈非士大夫之助哉肆有大賚以稱其念親之志具官某父某資兼文武而用不極其材能以義方勗成厥子服在卿位相茲休成追命有加尚知榮享可

屯田員外郎句謀父希仲已贈吏部侍郎贈金紫光祿大夫工部尚書制

勅士以功善有慶而欲移之親苟無害於義則其可以不從乎具官某嘗以才名序於卿位慶集厥子有勞當遷願推恩典以賁幽窆膺此顯服尚知榮享可都官員外郎何若谷亡兄若冲追贈試大理評

事制

勅某爾躬率善行而不克自昭於時有弟在廷法當增位固辭恩典冀得追榮愍錫一官尚其能享可

故崇儀使康州刺史內侍押班盧昭序贈正刺史制

勅其所居之地禁所事之職親恩禮所加亦宜異數爾以忠力備任宮闈歷年滋多率履惟謹今其亡矣追惻厥勤考於故常當得褒序遷正位號尚能知榮可

故內殿承制宋士堯等贈官制

卷十四

勅其等蠢茲蠻方犯我邊吏爾等以身死職朕用哀
恫夫見危授命士之美行褒善錄功國之令典故吾
有以愍錫而慰爾等寃宓之靈沒而有知其尚能享
可

林某元吉之出禁代率之湖廣思斷所賦亦宜異禮
史歸

姑崇新封氣所陳安內特拜班固字顯五陳
樂此國賴恩典建新進榮烈一官尚其論享同
陳其兩限率善計而不京自即然部自榮亦或去當

新刻臨川王介甫先生文集卷五十五

外制

建州敦 進士彭彛特授將仕郎秘書省校書
郎制

勅某朕惟衆科不足以盡天下之士故因赦令而委
諸路以特招爾以守節見稱而論議亦嘗試矣賜之
一令使力行者有勸焉往其增脩以稱茲舉可

新授齊州章丘縣尉鄭珪瀛州司戶參軍制

勅某爾 大臣所稱當得遷序自求一掾往事上
州其悖 使可

王臣川文集卷五十五
御前五經及第劉元規通利軍司法參軍制

勅某朕雖趣時爲法而其義亦考於經爾以經術決科而試於法吏勉思所謂尚有合哉可

勅賜同進士出身顧立守漢陽軍司理參軍制
勅某爾經明行潔特見推揚考覈以言有足稱者試諸獄掾其往懋哉可

高州茂名縣尉兼主簿李伯英永州錄事參軍兼司戶參軍制

勅某小人當平歲爲盜爾職當捕而能得之甄叙厥勤國有常法徃就祿次勉圖後功可

御前尚書學究及第張宗臣亳州司法參軍制
勅某爾少而知學能以決科今也成人遂從官政往共厥事可不勉哉可

御前三禮及第韓伯莊海州東海縣尉兼主簿制

勅某爾幼而知學能以決科今也成人徃其從政有猷有守惟慎厥初可

勅賜同進士出身王祁試祕校守青州益都縣主簿制

勅某察行於鄉里考言於朝廷而試之以事此自古

所以能得士也今汝言行皆見稱引姑使佐于大縣以觀從政之材無曰民寡亦可以有為矣可

太廟齋郎黃景先守常州宜興縣主簿制

勅某爾考以使事沒身於瘴癘故爾得序於有司往踐一官其思所以保祿位而無矢前人義方之訓可

李資濰州北海縣主簿制

勅某爾父以身死制而加爾以一命之榮今又以爾母有言而使得佐于大邑能以忠順保其祿位而守其祭祀者士之孝也往其祗服可不勉哉可

皇姪信州團練使宗懿改鄂州防禦使制

勅原擧肯振滯淹朝廷之慶施及乎遠者矣又况於宗室之近哉具官某於服屬為親於爵列為貴造行不能無情以自困於煩言肆祀之恩與人更始滌其前吝寵以故官往思自脩保此榮祿可

邢王孫右武衛大將軍道州團練使宗望舒州

防禦使餘如故制

勅朝廷爵賞與士共之親愛之欲其富貴亦先王之道也具官某序于近戚服在顯官嘗坐小何自今久次能補前吝歷年茲多往以序遷勉綏寵祿可

未復舊官人兵部員外郎知池州呂溱吏部郎

中制

勅某朕初即位原咎青振廢淹爾為先帝近臣以才敏諒直稱天下嘗坐吏議久於左遷稍復故官往其祗訓可

追官人前司封員外郎蕭固司封員外郎制

勅某宗祀之慶外覃四海况於嘗任事之臣哉爾備使南方實以才選控于吏議用失厥官錫命示恩往其祗服可

追官人前都官員外郎陳昭素都官員外郎制

勅某爾嘗更任使而以才稱於世陷於吏議失職久矣再更赦令稍復故官夫士有智能固不可以一眚而終廢惟慎厥後以須選求可

陳憲臣屯田員外郎制

勅某爾嘗坐法用失厥官宗祀之成推恩博矣復爾祿次往其欽哉可

孫夷甫屯田員外郎制

勅某爾嘗坐譴何再更赦宥能自節勵以補厥愆序進一官往其祗服可

安保衡都官員外郎制

先帝有事明堂而大賚於四海爾嘗在郎選困於一

青膺此慶施序遷厥官往其慎哉以服休命可

未復舊官人殿中丞王超太常博士制

勅某爾推文吏之議以失職久矣朕方推慶賜以勞天下疏逃幽賤並膺厥服矧爾智謀績用爲世所稱而特困於一青之細哉其還故官以勸能者可

追官勒停人國子博士沈扶國子博士制

勅某士之可用者朕不以一青而忘之也又况於以才任使而特以薦士爲累哉爾行義智能有聞於家久於使事績效可稱任非其人以坐廢斥宗祈之慶覃及萬方甄序厥官往惟祗服可

追官人前太常博士王拱巳太常博士制

勅某爾以舉非其人而久坐斥廢宗祈之慶賚及萬方復爾故官往其祗服可

追官人著作佐郎沈士龍祕書丞制

勅某嘗棄其官守而坐廢於家今宗祀之恩使之免者多復用矣况如爾之得臯特以有志於善乎其就故官以須器使可

未復舊官人檢校水部員外郎懷州團練副使

任慶之大理寺丞制

勅某爾嘗譴何比更赦宥序進厥位往其慎哉可

○未復舊官人光祿寺丞趙瑾改大理寺丞制卷九二
勅某爾造行不謹陷於法理比更赦宥復序故官謀
惟厥終無重前悔可

特勒停人前西京左藏庫副使劉起西京左藏
庫副使制

勅某宗祈之慶覃及萬方爾嘗以才選典領州事不
知淑慎以祗厥愆愆恩復故官往其祗訓可

特勒停人試將作監主簿郭慶基將作監主簿
制

勅某宗社之恩外覃四海爾嘗坐法用廢於家復即
故官其知慎矣可

特勒停人前守將作監主簿張及孫復舊官制
勅某爾嘗坐斥免既更赦令其班新命使就故官惟
慎以遠臯而敏於赴功則足以補前負矣可

追官人徐并太常寺奉禮郎制

勅某朕初即位布大號於天下爾比以臯負久於廢
斥既更赦宥當序一官夫士之嘗有譴尤而後以才
復爲世用者衆矣往其淑慎以待異恩可

特勒停人光祿寺丞周延年光祿寺丞制

勅某爾坐廢於家爲日久矣宗祈之慶復就故官往

慎厥脩以須器使可

建州管內觀察使李瑋安州管內觀察使制

勅釐事既成慶流宇內簡於朕志當有異恩具官某以元舅之家膺下嫁之選飾身厲行休顯有稱嘗坐譴訶外更藩屏付之舊節使得造朝徃服籠榮愈其慎忝可

檢校水部員外郎充秦州團練副使不簽書本州公事蕭注依前檢校水部員外郎充奉寧軍節度副使不簽書本州公事制

勅某朕初即位肆大青以勞天下爾嘗為邊將以是失職稍遷位號徙置大邦夫士之有能固不以瑕而終廢徃其脩省以服異恩可

蕭注責授團練副使制

勅某爾以州縣尺寸之功未閱數期而官顯祿厚遂專一州之寄當思勳力以稱所待遇乃公為姦汙不忌邊禁以至擅發丁壯采金蠻夷侵騷邊人廢業失職無鈎考之檢有盜攘之嫌朕惟遠方羈縻之義不欲重為煩擾故寧失爾辜惡而不卒究窮副於團練之軍置諸安閑之地其思自訟以服寬宥之恩焉可儀鸞使英州刺史張師正落刺史依舊儀鸞使

制

勅某人道貴讓而以巽為利者武人之正也朕以爾材諳為能治邊故超進使號又擇令名之州使爾刺焉而共其舊服當知竭力報稱所蒙而乃缺望鄙爭果於慢上自干邦法以致人言稍褻前恩尚附輟典往其脩省思補厥愆可

皇城使巴州刺史宋安道落巴州刺史制

勅某等班祿所以勸能制罰所以懲事爾等執技備官久矣一有所試而其效皆無可言竊位素餐之臯法不可以無懲也稍從降絀示有典刑往其深省厥愆以稱食功之意可

皇城使宋安道責授檢校水部員外郎充衛人

團練副使不簽書本州公事制

勅某爾等以醫入侍先帝疾殆至於弗寤而皆莫能知居其官而不能與食焉而怠其事皆法刑之所當施深惟先帝之仁故不忍加誅而宥爾等於外顧省厥罪往其戒哉可

追官人文思副使王用內殿承制制

勅某爾嘗犯禮以失厥官宗祀既成均休宥臯序於廷內其往慎哉可

未復舊官人劉舜臣禮賓副使制

勅某爾嘗爲州坐法以免旣更新令未卽故官寵以命書介於諸使惟慎厥後以稱恩榮可

追官人前供備庫副使崔懷忠內殿承制制

勅某朕閔士大夫或以一青之故弃而不錄故常因赦令使得復序厥官爾久以才能外更任使雖嘗廢免有足哀務列職內朝徃其祗服可

特勅停人守祕校胡東之守祕校制

勅某爾嘗坐小訶旣更大慶徃就祿次以須器使朕於用士固不以一青而廢材惟敏厥脩以永終譽堂後官大理寺丞張慶隨右贊善大夫餘如故

制

勅某爾職爲宰屬名在理官祗慎無疵至於三歲進官一等有籍於朝徃其懋哉是亦榮矣可

右班殿直彭土方容州別駕制

勅某爾爲小吏自致廷臣能稱厥脩至於告老列職州佐以爲歸榮可

攝荆南文學張銳守荆南府參軍制

勅某等異時設科以待武力智謀之士而爾等實應令焉嘗攝一官旣更新令稍卽序錄其徃勉旃可

單州文學周大亨密州司馬制

勅某爾不勉厥脩以取罪廢既更赦令復齒官聯善補悔尤尚有終譽可

廣南東路經略安撫使余靖奏高郵軍醫博王沂試國子四門助教不理選限制

勅某爾以方伎有聲淮南今方維按撫之臣以爾自隨而請加一命爾宜知夫名之不欲以假人也而能慎行以稱焉可

蔡襄奏醫人李端試國子四門助教不理選限制

勅某爾從事於醫久矣而吾左右親信之臣稱爾行能請一命焉厥有故常以爲爾寵其思淑慎以稱褒嘉可

程戡奏延州醫助教房用和國子四門助教不理選限制

勅某延州鎮撫一方而將吏皆吾扞城之用爾共醫事莫府所稱甄序以官往祗厥服可

胡宿奏醫人夏日宣試國子四門助教不理選限制

勅某夫論恩勸講之臣實吾耳目腹心之賴而爾能

王荅川文集卷五十五
執技調護其家請命於朝以爲爾寵吾其錫爾往矣
勉哉可

范鎮奏成都府醫人王獻臣試國子四門助教
不理選限制

勅某爾有邦人爲吾近侍稱爾嘗學尤良於醫序試
一官往其祗服可

歐陽脩奏醫人夏日華試國子四門助教不理
選限制

勅某天下安危治亂其責在乎政事之臣責之如此
其深則過之豈可以不厚故其有求於上吾皆聽許
而不違今脩以爾能醫而爲之請命吾其加錫以示
不違於大臣爾往懋哉當知夫名不可假可

趙槩奏醫人武世安試國子四門助教不理選
限制

勅某古者聖人爲醫藥以濟民命而又建官制祿考
其所治之全失而上下以勸焉其於愛人也深矣爾
能執技以濟衆而見稱於大臣使試一官以爲爾勤
其思勉勵以稱褒喜可

贈安遠軍節度使馬懷德遺表門客吳曼試將
作監主簿不理選限制

勅某懷德嘗將衛兵而其卒也干官其客觀爾所主以知爾材往試一官勉以自稱可

河東都轉運使龍圖閣直學士何郊奏梓州醫博士謝愈試國子四門助教不理選限制

勅某爾以方技自名爲邇臣所薦其於行藝必有可稱俾試一官以爲爾寵可

殿中省尚藥奉御直醫官院仇鼎充翰林醫官副使制

勅某古者視疾醫之全失而上下其食所以明沮勸也爾以技事上久而有勞遷序厥官往欽無教可

學士院孔目官梓州司戶參軍周元亨成都府溫江縣主簿制

勅某爾服采禁林有勞可錄宗祈之慶外序一官往慎典刑保茲祿仕可

昭文館正名守當官陳亘利州司戶參軍依前充職制

勅某朕初卽位大賚四海爾役於書林久矣序官州掾往慎厥脩可

朝堂知班引贊官遊擊將軍守右金吾衛長史魏昭永恩州錄事參軍制

王臨川文集卷五十五
勅某宗祀之成並蒙禋福爾儻贊朝事有年於此矣
出長州掾往其勉哉可

朝堂正名知班驅使官楊忠信吳安期何惟慶
並特授將仕郎制

勅某爾等駿奔於朝以給煩使致勤厥職爰及再期
甄序一官往其舊服可

都省正名驅使官袁士宗守蓬州蓬山縣主簿
依前充職制

勅某爾以勤服采積有歲年外序一官往共初服守
爾祿次厥惟慎哉可

中書守當官鄆州司戶叅軍平衛進之青州司戶
參軍制

勅某爾給事相府服勤歲久因時慶賜求得外遷往
掾大州勉共厥服可

朝堂知班驅使官張歸一李汶並開州開江縣
主簿依前充職制

勅某等爾駿奔走以給朝廷之事久矣有勞可錄序
以一官往懋厥勤乃其無罰可

三司開折司守關前行滑州別駕王亨鄭州司
馬制

王臨川文集 卷五十五 十三
勅某爾實掌書以佐計官之治老而知止予念爾勞
司馬于州往惟祇服可

學士院勸留官遂州司戶參軍莊詡青州壽光
縣尉制

勅某宗祈成禮覃澤萬方駿奔之吏遷有常法序爾
一尉往其勉哉可

中書錄事守成都府別駕魏貫游擊將軍充中
書守闕主事
中書守闕錄事守大名府別駕張
世長中書錄事制

勅某等隸名中書能白祇飾今吏負有闕故遷以
之往懋厥勤無疎于職可

客省承受李懷曦秦宗古遂州司戶參軍制
勅某宗祀之恩單於小吏爾服勤久矣宜序一官往
勵厥脩以共舊服可

公堂五院副行首左于牛衛長史周成務金吾
衛長史制

勅某等役於宰屬積歲有勞升秩衛官序遷職服往
共厥事惟既乃心可

公堂五院王名驅使官鄭州司戶參軍呂昭序
常州宜興縣尉制

勅某爾以州掾之名而役於宰屬豫蒙慶施當得外
遷件惟廉清可以保祿可

祕閣選滿楷書充編脩院權書庫官表舜卿濰
州北海縣尉制

勅某掌書贊事積歲有勞甄序一官往其祗服可

尚書都省額外正名年滿令史邊士寧青州益
都縣尉制

勅某爾以書贊治積歲有勞請命於朝序官一尉往
共厥職無致弗祗可

太常寺太樂署院官郭餘慶應州金城縣主簿

制

勅某爾隸於太常久矣吏台具有闕當得進遷命以一
官往其祗服可

右街司正名孔目官張立人仲蓬州蓬山縣主簿
依前充職制

勅某祗載厥職於今十年稽狀右司序於官簿往共
舊服無棄前勞可

吏部侍郎平章事曾公亮奏旬當人趙化基制
勅某朕布神之惠而陪隸與焉爾服厥勤受茲甄寵
名者先王所慎以與人者也往思淑慎以稱之可

青州奏壽光縣豐城村張贊獨孤用和各年一百一歲並本州助教制

勅某人壽至於百年則閱天下之故多矣寵以官號使助守令教馴百姓豈不宜哉爾實應書往其欽服可

安化中下州北遐鎮蠻人二百一十人並銀酒

監武制

勅某聲教所覃爾惟祗服克有名位榮於種落又輸方物來效厥勤其錫異恩以嘉能乎可

壽州稅戶李仲宣李仲淵本州助教制

勅某准人阻饑朕欲調餼爾能輸粟來助有司賞以一官往其祗服可

宿州臨渙縣柳子鎮市戶進納斛斗人朱億弟傑本州助教制

勅某調恤阻饑朝廷之政爾能輸積以助有司褒賜一官往其祗服可

燕及空名助教并試監簿制

勅某河水衍溢且爲民蓄爾能輸新以佐有司之急加爾以試官之賞其思慎行以稱焉可

新刻臨川王介甫先生文集卷五十五終

漢陵詔曰王介甫去主文集卷五十五

或爾以爲官之實其思與行以無

某何水涉益且爲男蓄爾詣鍾

空谷胡然去若望雲歸

一官封其新

陳某賦此則難障我之知爾詣鍾

對本州

審以詔與親味千與市可

一官封其新

陳某新人田繪

新刻臨川王介甫先生文集卷五十六

表

○○○百寮賀復熙河路表 卷十五 十五

臣某等言伏覩脩復熙河洮泯疊宕等州幅員二千

餘里斬獲不順蕃部一萬九千餘人招撫大小蕃族

三十餘萬各降附者奮張天兵開斥王土旌旃所指

燕及氏羌樓櫓相望誕彌河隴 中賀 竊以三年鬼方

之伐高宗所以濟時六月獫狁之征宣王所以復古

政由人舉道與世升伏惟 皇帝陛下溫恭而文睿

知以武講周唐之百度拔方虎於一言我陵我阿旣

飾鷹揚之旅實墉實壑遂平鳥窠之戎用夏變夷以
今準古是基新命厥邁往圖臣等均被明恩具膺榮
祿接千歲之統適遭會於斯時上萬年之觴敢愆忘
於故事臣無任

○○ 賜玉帶謝表 卷十九 十五

臣某言伏蒙 聖恩以收復熙河洮岷疊宕等州特
加褒諭親解玉帶賜臣者尸臣列侍方臨極辨之朝
警御瞻占傳獨拜非常之賜寵綏狎至懇避弗俞焜耀
有加凌兢無措 中謝竊以洮河之業兆自聖謨方虎
之材進非師錫片言投匭遂察見其有孚眾訛盈庭

預照知其無青以至緩兵籌食蒐卒第功能畢協於
始謀實仰歸於獨斷如臣蕞爾何力有焉伏惟

皇帝陛下善貸且成勞謙不伐弛曠瘼之大責錄將
明之小忠揚於廣除委以珍御瑟彼英瑤之質煥乎
華袞之言臨授用光顧榮踰於古昔退藏惟謹知燕
及於雲來施更厚於解衣報敢忘於結草臣無任

詔進所著文字謝表 卷二十五

雲漢之光俯加賁冒管蒯之賤仰誤詢求 中謝臣聞
百王之道雖殊其要不過於稽古六藝之文蓋缺所
傳猶足以範民准其測之而彌深故或習矣而不察

紹明精義允屬昌時伏惟 皇帝陛下有舜之文明
有湯之勇智以身爲度動皆應於乾行肆筆成書言
必稽於聖作欲推闡先王之大道以新美天下之英
材宜得醇儒使陪休運能事臣初非秀穎衆謂迂愚徒以
弱齡粗知強學服膺前載但傳糟粕之餘追首大方
豈逮室家之好過叨睿獎使緝舊聞永惟少作可弃
之浮辭豈能上副旁搜之至意伏望 皇帝陛下矜
其聞道之晚假以歷時之淹使更討論粗如成就然
後上塵於聰覽且復取決於 聖裁庶收寸長稍副
時用臣無任

○○ 進熙寧編勅表

卷二十一

一

臣某等言竊以觀天下之至動而御其時
自然而節其性匿而不可不爲者事麤而不可不陳
者法厥惟無弊乃以不膠故造象於正月之始和改
禮以五載之巡狩一代之典成於緝熙百世可知在
所加損方裁成輔相之休運宜脩飾潤色之難能顧
匪其人與於此選中謝蓋聞道有升降政有弛張緩
急詳略度宜而已使民不倦唯聖爲能伏惟 皇帝
陛下天德地業體堯蹈禹永念憲禁之舊或失防範
之中選建有官付之論定具慙淺學莫副詳延屢彌

歲年僅就篇帙刪除煩複蒐補闕遺於趨時因民則粗採扼敝之實以方古屋後則或俟新美之才冒昧

天威姑塞明詔

○○○賜元豐勅令格式表等卷二十一

臣某言伏蒙 聖慈特賜臣元豐勅令格式一部計

四十策者新厥品章著之方冊雖孤眷寄尚冒分頒

中謝竊以后辟之所訓載臣工之所承守歷觀既往

或仍躋駁之餘緒正厥遺實待緝熙之久恭惟

皇帝陛下操天縱之智御物昌之時期法於羣幾之

先收功於異論之後慮無愆素舉必要終然趨變以

制宜或非初令則取新而華裕宜有成書神機俯授

於有官聖制遂攄於無極部居彪列科指眚分雲漢

之回甚昭日月之照方久臣進陪國論退即里居在

昔討論嘗負曠瘝之責於今尊閣更知被受之榮臣

無任

○○○賜弟安國及弟謝表第卷六十九

臣某言伏蒙 聖恩召試臣弟安國賜進士及第注

初等職官者儔儔又之求外覃草野龍光之施首逮門

庭中謝竊以躬國論聽斷之煩而察知孤遠之行略

門資貢舉之法而拔取滯淹之才山林之所誦說而

難遭閭巷之所驚嗟而罕見伏惟 皇帝陛下協德
穹昊比明羲皇博臨四方洞照萬物如臣同產爲世
畸人少遭閔凶自奮寒苦雖強學力行粗有時名而
少偶寡徒幾絕榮望豈期 聖聽俯及幽潛遂使窮
途坐階華寵獎以詔書而試藝賜之科第而命官祿
不逮親既永乖於養志仕非爲已當共誓於捐軀臣
無任

○○○除弟安國館職謝表 卷六十二

臣某言伏蒙 聖恩以臣弟安國充崇文院校書者
書林置職方儲高位之材詔板推恩遂假私門之寵

在於疵賤實以兢慙 伏念臣初起孤生非謀

仕中參近侍特荷先朝屬憂患之相仍分湮淪而自
弃敢圖收召俯暨幽潛服在臣鄰驟冠論思之列恩
加子弟具膺慶賞之延有昧冒於殊私或超踰於常
法惟數奇之同產嘗久困於稠人第冊西垣比前叨
於睿獎校文東觀更曲被於明揚此蓋伏遇 皇帝
陛下與善無方使能以類欲阜成於大治務博取於
衆材遂忘形迹之嫌以溥龍光之施衰宗既亢唯知
上報之難小已易盈彌懼先顛之疾臣無任

○○○除雋中允崇政殿說書表 卷六十六

臣某言伏蒙 聖恩授臣男雱守太子中允充崇政
殿說書尋具劄子辭免蒙降詔書不允者恩驟加於
私室多所超踰事或累於公朝誠難昧冒仰煩睿訓
曲喻至懷永惟眷獎之殊實重兢慙之至 中謝伏念

臣首叨召節得侍辭林隨被贊書使陪經幄稍更歲
月莫補涓埃竊觀上智之日躋內訟淺聞而知困况
如賤息厥有童心尚迷鑽仰之方豈稱招延之禮恕
已量主非敢以私而自嫌爲官擇人顧雖成命而宜
改輒布可辭之義上干難犯之威伏蒙 皇帝陛下
屈體優容華精寵答謂大人照臨之道廣當養以蒙

意小夫誦說之智專遽忘其賤褒稱備厚訓飾加嚴
揣實未安寄顏有慙重念自古君臣之相與未有如
臣父子之所遭蓋當用儒之時尤難講藝之職典謨
方御實參備於討論誥誓未終已繼叨於獎擢獲世
官於閭巷嗣家學於朝廷自非忘軀何以報國知人
而官以哲慨已誤於明揚委質而教之忠誓永肩於
素守臣無任

除雱正言待制謝表

卷八二十三

臣某言伏奉 聖恩除臣男雱右正言天章閣待制
兼侍講特降中使宣諭令便受告勅不須辭免者孚

號明恩實由中出美官要職弗以次加知榮耀之及私顧僭差而累國雲天在望冰炭交懷中謝臣出於

窮窮好是拙直道常違俗宜芻狗之致妖才不逮人何霍蠲之能化 皇帝陛下收之末路付以繁機距

滔天之衆讒責經世之來效施及賤息度越稠人延登朝行使嗣講業方仰陪於膝席俄中廢於軒瘍雖

進趨之禮久妨而問勞之恩狎至莫知報稱但負競慙豈意眷憐更加超擢待制之為職以陪侍禁嚴正

言之為官以諫救遺失承金華之舊學親玉色於燕朝併叨殊私甚駭羣聽此蓋伏遇 皇帝陛下擢

同智無小大之遺搜揚衆材無久近之間苟或不肖

槩嘗有聞必垂甄收以示勸獎四方之訓於我無競維人多士之生斯時不顯亦世永惟遭值孰與等夷

君臣以事道相求是惟希世父子以傳經見用鮮或同時雖愧臯陶濟美之材敢忘孤突教忠之義臣無

任

○○○進字說表 卷二十七

臣某言竊以書用於世久矣先王立學以教之設官

以達之置使以諭之禁誅亂名豈苟然哉凡以同道德之歸一名法之守而已道衰以隱官失學廢循而

卷十六終
甲戌正月
二十日校

發之實在聖時豈臣愚僮敢逮斯事中謝蓋聞物生

而有情情發而爲聲聲以類合皆足相知人聲爲言

述以爲字字雖人之所制本實出於自然鳳鳥有文

河圖有畫非人爲也人則效此故上下內外初終前

後中偏左右自然之位也衡表曲直耦重交折反缺

倒及自然之形也發歛呼吸抑揚合散虛實清濁自

然之聲也可視而知可聽而思自然之義也以義自

然故僊聖所宅雖殊方域言音乖離點畫不同譯而

通之其義一也道有升降文物隨之時變事異書名

或改原出要歸亦無二焉乃若知之所不能與思之

所不能至則雖非卽此而可證亦非舍此而能學蓋

惟天下之至神爲能究此伏惟 皇帝陛下體元用

妙該極象數稽古勅法紹天覺民乃惟茲學隕缺弗

嗣因任衆智微明顯隱蓋將以祈合乎 神情者布

之海內衆妙所寄窮之實難而臣頃御 燕閒親承

訓敕抱病負憂久無所成雖嘗有獻大懼冒浼退復

自力用忘疾憊咨諏討論博盡所疑冀或消塵有助

深崇謹勒成字說二十四卷隨表上進以聞臣某誠

惶誠懼頓首謹言

○○進洪範表 卷二十九

臣某言臣聞天下之物小大有彛後先有倫叙者天之道叙之者人之道天命聖人以叙之而聖人必考古成已然後以所嘗學措之事業為天下利苟非其時道不虛行申謝伏惟皇帝陛下德義之高術智之明足以黜天下之嵬瑣而與其豪傑以圖堯禹太平之治而朝廷未化海內未服綱紀憲令尚或紛如意者殆當考箕子之所述以深發獨智趨時應物故也臣嘗以蕪廢腐餘之學得備論思勸講之官擢與大政又彌寒暑勲績不效俛仰甚慚謹取舊所著洪範傳刪潤繕寫輒以草芥之微求裕天地臣無任

進脩南郊勅式表

卷二十八

郊丘事重筆削才難猥以微能叨承遴選臣某言中謝

孝以配天為大聖以饗帝為能越我百年之休明因時五代之流弊前期戒具人輒為之騷然臨祭視成事或幾乎率爾蓋已行之品式曾莫紀於官司故國家講燎禋之上儀而臣等承撰次之明詔迨茲彌歲僅乃終篇猶因用於故常特刪除其紛冗恭惟

皇帝陛下體聖神之質志文武之功嘉與俊髦靈承穹昊物方鬯茂以薦信而無慙人且昭明知因陋之為此固將制禮作樂以復用唐之舊豈終循誦習傳

而守秦漢之餘則斯書也譬大輅之椎輪與明堂之營窟推本知變實有考於將來隨時施宜亦不爲乎無補臣無任

除知制誥謝表 卷六十一

臣某言今月初二日伏蒙 奉 聖恩賜臣誥勅除臣知

制誥者高華之選欲報常難固陋之身以榮爲懼 中

竊以自昔招智能之士因使爲侍從之官豈特賴其

虛名謂能華國蓋將收其實用相與致君矧號令文

章之爲難而討論潤色之所寄苟失職不稱則爲時

起羞伏惟 皇帝陛下躬上聖之資撫久安之運趨

時有救弊之急守器有持盈之難當得俊良使陪遺

忘則興司明命出入禁門一有瘕官尤爲累上臣竊

單賤士撲鄙常人仕初有志於養親學遂不專於爲

已北更煩使稍竊謬恩內懷尸祿之慙仰負食功之

意又蒙採擢以致超踰蓋君之視臣不使同犬馬之

賤則下之報上亦欲致岡陵之崇况臣少習藝文粗

知名教遭逢一旦度越衆人唯當盡節於明時豈敢

尚懷於私計臣無任瞻天荷聖激切屏營之至

知制誥知江寧府謝上表 卷六十二

稽違詔令經涉歲時 先帝登遐既不獲奔馳道路

陛下即位又未嘗瞻望闕廷所憂後至之刑誅敢冀
就加於官使雖知黽勉尚懼顛隳中謝蓋聞因任以
責羣材原省以通衆志厥或抱能而可用則雖負疾
而見容如臣者逮侍先朝叨官外制惓惓許國雖有
愚忠沒沒隨人但尸榮祿銜哀去位嬰疾彌年望絕
寵光分投冗散伏遇 皇帝陛下紹膺尊極俯燭幽
微延之以三節之嚴付之以十城之重比緣禋祀特
有褒封申命曲加因郵併賜唯是土風之美素無狂
獄之煩久寄託於丘墳粗諳知其閭里念雖閉閣始
弗願於承流以比造朝或未妨於養疾矧恩勤之屢
迫且遜避之不容敢不少嘗體力之所任祇奉詔

而為治冀逃大戾仰稱殊私臣無任

除翰林學士謝表 卷六十二

臣聞人臣之事主患在不知學術而居寵有味冒之
心人主之畜臣患在不察名實而聽言無惻怛之意
此有天下國家者所以難於任使而有道德者亦所
以難於進取也學士職親地要而以討論諷譏為官
非夫遠足以知先王近足以見當世忠厚篤實廉耻
之操足以咨諏而不疑草創潤色文章之才足以付
託而無負則在此位為無以稱如臣不肖涉道未優

初無犖犖過人之才徒有區區自守之善以至將順
建明之大體則或踈問淺陋而不知加以憂傷疾病
久棄里閭辭命之習廢積年黽勉一州已為忝冒
禁林之選豈所堪任伏惟 皇帝陛下躬聖德承聖
緒於羣臣賢不肖已知考慎而於言也又能虛已以
聽之故聰明睿知神武之實已見於行事日月未久
而天下翹首企踵以望唐虞成周之太平臣於此時
實被收召所以許國義當如何敢不磨礪淬濯已衰
之心紬繹溫尋久廢之學上以備顧問之所及下以
供職司之所守臣無任

○○○ 賜衣帶等謝表

卷十九 二 第一首為謝宣召表今本無之別鈔補入

出大庭之顯服束以精鏐引內廐之名駒傳之錯采
隆恩所逮朽質知榮中謝竊念臣弱力淺聞久憂積
疾中與從官之選外分守將之權僅免譴訶更蒙收
召論思潤色曾莫效於微勞衣被服乘乃前叨於異
數此蓋伏遇 皇帝陛下醲於慶賞詳在招延因示
眷懷使知奮勵誓竭愚忠之報冀無虛授之嫌臣無
任

○○○ 勅設謝表

卷十九 十三

職與論思恩加橐飭禮雖有舊寵實難當中謝伏念

臣本乏才稱中緣疾廢適從孤遠獲侍清光已汗禁
林之慮重叨太官之賜蓋飲食有文王之雅實始憂
勤顧來歸無吉甫之勞徒多燕喜敢忘自竭粗稱所
蒙臣無任

媿也蓋為愚 皇帝聖可黜然慶賞藉五岳致因示
吾論思聞言曾莫敢於外對幾未斯期乘八節四外異
爽中與發官之職不令于秩之對對矣請更蒙外
劉恩而表其賞味榮中樞辭命曰朕亡茲問人憂辭
出大與之懸眾東以辭歸臣內親之各禮對之辭未

顯亦帶善撫妻

新刻臨川王介甫先生文集卷五十七

表

○○○ 辭免參知政事表 卷十六 四

臣某言伏奉制命特授臣右諫議大夫參知政事餘
如故者才薄望輕恩隆責重敢緣聰聽冒進忱辭中謝

竊以建用宗工與圖大政以人賢否為世盛衰矧休

運之有開須偉材而為輔豈容虛受以誤明揚如臣

者承學未優知方尤晚先朝備位每懷竊食之慙

故里服喪重困采薪之疾 皇帝陛下紹膺皇統俯

記孤忠付之方面之權還之禁林之地固已人言之

可畏豈云國論之敢知忽被寵靈茲懷媿恐伏望

皇帝陛下考慎所與燭知不能許還謬恩以允公議

庶少安於鄙分無甚累於聖時臣無任祈天俟命激

切屏營之至 謝參知政事謝表 卷六十三

承弼之任賢智所難顧惟缺然何以堪此仰膺成命

弗獲固辭 中謝 竊以古先哲王考慎厥輔皆有一德

用成衆功伏惟 皇帝陛下含獨見之明踐久安之

運甫終諒闇將大施爲宜得偉人與圖庶政如臣者

徒以承學粗知義方本無它長可備官使退安私室

自絕榮塗旣負采薪之憂因逃竊位之責大明繼燭

正路宏開付以蕃宣還之侍從清閒之宴或賜開延

淺陋所聞每蒙知獎以爲奉令承教庶幾無尤至於

當軸處中良非所稱寵光曲被震媿交懷此蓋伏遇

皇帝陛下德懋旁求志存遠舉隆寬盡下故忠良有

以輸心公聽並觀故讒慝不能肆志矧睿謀之天縱

方聖治之日躋思稱所蒙敢忘自竭遠猷經國雖或

媿於前脩直道事君期不墮於素守臣無任

辭免平章事監脩國史表 卷六十一

材薄位高恩隆責重輒敷悃款仰瀆睿明 中謝 臣聞

大有爲之君必考慎厥相趣舍施設相與如一乃能

協濟功治永綏黎元伏惟唐虞三代之迹滅熄久矣
天錫 皇帝陛下以上聖之才脩身齊家外正天下
典謨所紀風雅所歌以今揆古未有慙德宜求碩輔
朝夕左右率勵眾志輔成太平如臣區區孤陋淺拙
知學以為已而昧於趨時聞以道事君而謬於合眾
與聞大政已積疵瑕伏望 皇帝陛下量能賦任使
無譴尤追還誤恩以協公議臣無任

辭拜相表 卷十六

臣某言臣近上表辭免恩命伏蒙 聖慈特降批答
不允者天地之施厚矣不貲螻蟻之情微而未達重

煩獎訓彌集震兢 臣聞論德序官明主所以御

世度能就位忠臣所以事君臣偶以薄材過私榮祿
雖以捐軀而自誓顧於諉上而多慙竊觀聖制之所
以褒揚終非朽質之所能副稱矧叨任遇稍歷歲時
必欲詭責其後勲謂宜考觀於已事今內或怵奇邪
之俗無喻德宣譽之忠外或扇苟簡之風有犯令陵
政之悖百姓以安平無事之時而未免流離餓莩四
夷以衰弱僅存之勢而猶能跋扈飛揚 皇帝陛下
以聖人之高材有天下之利勢憂勤已積功化未昭
此亦由臣陳力就列以來不能助國立經陳紀之故

方謀自弛以謝素餐豈意誤恩更加崇秩誠憂官謗能上累於明時所望天慈遂收敕還於新命庶以通賢者之路且又協衆人之言臣無任

謝除史館除平章事監脩國史謝表

卷十六

臣某言伏奉 恩命特授金紫光祿大夫行尚書禮部侍郎同中書門下平章事監脩國史上柱國進封開國公加食邑一千戶實封四百戶仍賜推忠協謀佐理功臣尋具表陳免蒙批答不允仍斷來章者揚於大廷寵以高位歸之翊戴之重臣某謹言宰制之平聖心方慎於旁求小已知難於上臣聞人君

代天而理物人臣資父以事君然而君臣之大義方非若父子之至恩無間須倡而後和則誠意每患於難通不入而後量則忠力或嫌於自獻唯成湯之聽伊尹與傅說之遇高宗皆以疏遠而相求何其親厚之獨至蓋所趨非由於一道故所為若出於一身夫豈干越夷貉之異心是謂元首股肱之同體一臣旣以此獲展事君之義兩君亦以此得成理物之功苟非其人孰與於此臣受材單寡逢運休明初涉獵於藝文稍扳緣於祿仕曩塵近侍積媿空餐悲遽隔於庭闈分長依於丘壠俄值纂承之慶繼叨敢召之

榮責以論經尚少知於可詰使之與政曾莫助於猷
為矧以拙直而見知遂為姦回之所忌伏遇 皇帝
陛下納之以天地之量照之以日月之明數加獎勵
之恩每辨讒誣之巧重遭卜相申救備官終遜避之
無繇更兢慙於非據伏惟 皇帝陛下樂古訓之獲
而忘其勢惡邪辭之害而斷以心勿貳於任賢務本
以除惡使萬邦有共惟 帝臣之志萬姓有一哉王
心之言則進無求名之私退有補過之善臣之願也
天實臨之臣無任

○○○遷入東府賜 御筵謝表 卷九十四

伏奉差中使傳宣今月七日辰時三刻遷入新府并

借官軍就賜御筵者恩厚不貲誠優賢之務稱頑冥

無似欲報國而知難中謝臣等過以凡材並膺殊選

久壅賢路上孤聖時伏惟 皇帝陛下謀德在容求

仁以恕謂大臣方宣勞於王室則上主當加恤其私

家發使禁闢之中視圖魏闕之下取材置臬業一皆斷

於睿謀成事告功初不煩於宰旅重紆衡蓋周視庭

除申以中人喻之良月使及日辰之吉即於堂寢之

安輟車府之傍牽載其帑重移饗官之亨割侑以鼓

歌歡更逮於邇臣寵先加於小已陰陽或謬未知燮

理之方風雨其除徒賴
忻懽之賜臣無任

○○○第二觀文殿學士知江寧府謝上表 卷六十三

臣某言伏奉 制命授臣觀文殿學士吏部尚書知

江寧軍府事臣已於六月十五日到任詔久妨賢路

上負聖時苟逃放殛之刑更濫褒揚之典逸其犬馬

將盡之力寵以丘墓所寄之邦仰荷恩私皆踰分願

中謝臣操行不足以悅眾學術不足以趨時獨知義

命之安敢望功名之會值遭興運摠領繁機惟瘠廣

之日躋顧卑凡而坐因秋水方至因知海若之難窮

大明既升豈宜爇火之弗熄息加以精力耗於事為之

眾罪戾積於歲月之多雖特舍垢之寬終懷覆餗之

懼伏蒙 陛下志存善貸為在曲成記其事國之微

誠閔其籲天之至懇撓黜幽之常法示從欲之至仁

經體贊元廢任莫追於既往承流宣化收功尚冀於

方來臣無任

○○○辭免除平章事昭又館大學士表 卷六十一

臣某言為君所艱尤慎厥與命相不善將壞於成矧

當責實之時敢替知難之義中謝臣知不足以及遠

學不足以窮深比誤國忘管尸宰事初無薄効稱萬

一之褒揚止有多言煩用二之辨釋終逃譴負實賴

保全恭惟 皇帝陛下若古以堯之欽明御今以禹
之勤儉矜脩積美山無一簣之虧因任致隆臺存九
層之累小大祗若遐邇允懷畬而不蓄雖或許其繼
事灌以旣雨豈不昧於知時况惟疲曳之餘過重休
明之累且用人而過矣固不免於敗材苟改命而當
焉亦何嫌於反汗敢期 聖折俯亮愚忠

一第 二表

卷十六

十二

臣某言臣近上表辭免思命伏蒙 聖慈特降批答
不允者愚誠盡布所冀 仰從聖志未移申加獎訓輒
守可辭之義更于難犯之威中謝臣聞冢宰之於周

則臣統百官而均四海丞相之於漢亦以附百姓

撫四夷位尊則自古以然材薄則其何能稱臣之所
守未有以過人臣之所知又不足盡物姑使承流宣

化託備蕃維或令補闕拾遺追參侍從尚能罄竭小

補緒餘若乃秉操鈞衡承輔樞極仰陪休運俯稱具

瞻事已試而可知力弗能而當止苟不量鼎寶之所

任必且致棟橈於斯時伏望 皇帝陛下隨其器能

付以職事圖惟大任改命上材則熒爚未光不獲于

時之咎懷楹近用亦參構厦之功

除平章事昭文館大學士謝表

卷十八 五

臣某言伏奉 制命特授臣同中書門下平章事昭
文館大學士兼譯經潤文使加食邑一千戶食實封
四百戶仍改賜推忠協謀同德佐理功臣尋具表陳
免蒙降批答不允仍斷來章者承流宣化方虞失職
之誅經體贊元更誤選賢之舉中謝臣竊惟人物之
會通常寡實以君臣之遇合至難自匪同聲氣之求
孰能偕功名之享伏惟 皇帝陛下天縱大聖人與
成能乘百年久安之機飾千歲積壞之蠱士誠服矣
而持祿養交之習未殄民允懷矣而樂事勸功之志
未純近或長阨而仁義之澤不流遠或虛僑而道德
之威未立宜選於衆舉格于皇天之材使暨乃僚
迪我高后之事冀勝所任以濟斯時而臣蚤見知於
隱約之中久獨立於傾搖之上勲庸弗效恩禮更加
託備外藩俯鄰期歲遂叨詔將還冠宰司自視羈單
所懷蹇淺方古耕築則有其陋爲世聘求則無其賢
然以投老之軀而遭難值之運苟貪歲月趨就涓埃
且上之施旣光則下之報宜厚與之戮力仰承睿知
之臨罔不同心俯賴忠良之協誓殫疏拙圖稱休明
臣無任

辭左僕射表

卷十六 五

臣某言近累具劄子辭免恩命伏蒙 聖慈特賜詔

書不允者賞與越踰訓辭稠疊汗所被是為至榮

朽材難勝更以多懼輒輸危悃敢冒威尊中謝竊以

左相位崇東臺地要雖置負而久曠蓋授任之常難

臣晚值 聖時久妨賢路奉揚成命盡力困於負山

成釋微言蠡智窮於測海方譴呵之為畏豈寵獎之

敢圖忽此兼叨輿無前比深惟淺薄仰累休明伏望

聖慈俯貽愚款斷從公論追寢誤恩豈惟私義之徒

安實亦物情之歸允臣無任

○○○第二表 卷十六 六

臣某言近具表辭免恩命伏蒙 聖慈特降批答不

允者恩言狎至鄙守難移敢冒德威更陳私義中謝

竊以高秩厚禮以疇莫盛之勲勞綿力薄材豈稱非

常之爵寵人之所畏物有固然臣議行見知而涉世

多為眾毀論材受任而居官無以自昭顧惟屈首受

書幾至殘生傷性逮承 聖問乃知北海之難窮比

釋微言更悟南箕之無實疏榮特異揣分非宜苟叨

昧以自安懼譴尤之隨至伏望 皇帝陛下俯矜危

拙曲賜全安不以反汗之小嫌為能累國則是捐軀

之大節實在報君臣無任

除左僕射謝表 卷八十四

臣某言伏奉 制命特授臣尚書左僕射兼門下侍
 郎同中書門下平章事昭文館大學士兼譯經潤文
 使加食邑一千戶食實封四百戶臣累具辭免伏蒙
 聖慈特降批答不允仍斷來章者貳令中臺兼官左
 符惟時遴選蓋嘗久曠而弗除忽此叨居顧豈微勞
 之可稱陪敦厥邑敷告于廷是皆至榮難以虛辱中
維某誠感頓首竊以經術造士實始盛王之時偽說誣民是為衰世
 之俗蓋上無躬教立道之明辟則下有私學亂治之
 姦氓然孔氏以羈臣而興未喪之文孟子以游士而
 承既沒之聖異端雖作精義尚存逮更煨燼之災遂
 失源流之正章句之文勝質傳注之博溺心此淫辭
 詖行之所由昌而妙道至言之所為隱篤生 上主
 純佑下民成能協乎八 謀將聖出乎天縱作於心而
 害事放斤幾殫通於道以治官延登既衆尚懼膠庠
 之黎獻未昭典籍之羣疑乃集師儒具論科指繕書
 來上褒典俯加臣趨操弗高知識尤淺少嘗勤苦但
 為裘氏之吟晚更耄衰豈免輪人之議初備使令之
 乏卽知稱愜之難敢意誤恩獨當殊獎此蓋伏遇
 皇帝陛下以化民成俗為事故急在誨人以尊德樂

道為懷故易於縻爵因忘固陋特假龍光祇服訓辭
深惟報禮雖無博學對揚稽古之鴻名庶以雅言助
廣右文之美化臣無任

○○○辭免使相判江寧府表卷十六 十三

臣某言伏奉 制命特授檢校太傅依前尚書左僕
射同中書門下平章事使持節都督洪州諸軍事充
鎮南節度管内觀察處置使判江寧府加食邑一千
戶食實封四百戶仍改賜推誠保德崇仁翊戴功臣
者恩典有加事勞弗稱陳力况難於黽勉輸情終冀
於矜哀 中謝 伏念臣晚出窮鄉首陪輿運恕心量已

雖知容膝之易安營職趨時更似絕筋而稱力臣
耗衰而成疾重遭憂釁以傷生姑欲補完唯當休惕
若任州藩之寄仍兼將相之崇是為擇地以自營非
復顧天之素志伏望 皇帝陛下追還渙號俯徇愚
衷許守本官退依先壟儻憐積歲參大議於廣朝或
賜誤恩食舊勞於外觀尚繫眷獎非敢干祈臣無任
初天候命激切屏營之至

○○○第二表卷十六 十四
臣某言近具表辭免恩命伏蒙 聖慈批答不允者

寵私未愆更加褒勉之恩分義所存敢冒叨貪之耻
中謝 伏念臣江湖一介特荷聖知帷幄七年再陪國

論久居亢滿所以深懼災危積致衰疲所以懇辭機
要若猶尸將相之厚祿且復殿方面之大邦則是於
惡盈之時欲富而弗止以宣力之地養痾而自營
聖慈雖或優容官謗何由解免伏望 皇帝陛下俯
垂念聽特賜矜從使盛世無虛授之嫌孤臣有少安
之幸臣無任

此下有第三表及乞免使相三表今本所無別鈔補入

除集禧觀使乞免使相表

臣某言近具表乞以本官充使伏蒙 聖慈特降詔

書不允者愚誠屢黷方負憂兢聖聽未移更加獎勵

顧仰關於國體敢終冒於天威中謝伏念臣頃汗近

司久虛大受晚罹疾疢自咎 辭祿而里居尚恃眷憐

故敢祈恩而家食將相之為 重寄朝野之所具瞻若

免於事任之勞而尸此名器之寵在 之茂勲明德

尚莫敢居如臣之綿力薄材豈宜非據伏望 皇帝

陛下俯矜危懇追寢誤恩豈惟私義之所安是固物

情之衆允臣無任

○○○進聖節功德疏右語卷二十三

臣竊以紹皇策以降神千齡莫擬歸寶坊而獻福萬

寓惟均矧荷眷之特殊固輸誠之獨至伏願三靈協

祐十力證知常儲有羨之祥永御無疆之曆臣無任

○○○又 卷二十一 十四

臣竊以星虹獻瑞實啓聖於嘉時鍾唄乞靈敢歸誠於妙道伏願備曆禮多福大庇羣生人永恬愉之安物無疵癘之苦天枝弥茂神睠具依臣無任

○○○又 卷二十一 十五

臣竊以誕降聖神適天人之嘉會虔祈祉福乃臣子之至情伏願萬寶偕昌三靈協慶永御無疆之寶歷丕承未艾之閔休臣無任

○○○又 卷二十一 十六

臣伏以握符踐運與時物以偕昌歸德謝生在情文而莫稱敢憑慈祐申祝壽祺伏願 皇帝陛下

天崇業侔地富常御華胥之至樂永錫皇極於黎元臣無任

之所包以釐事備於郊宮而惠澤均於海宇故雖幽
屏弗以遐遺顧冒昧之不貲豈糜捐之可報臣無任
○○除依前左僕射觀文殿大學士集禧觀使謝表
臣某言伏奉制命除授依前行尚書左僕射充觀文
殿大學士集禧觀使者屢黷天威坐彌年所曲從危
懇仰荷至慈中謝伏念臣學止求心行多違俗少隨
官牒徒有志於養親晚誤聖知欲忘身而許國疲曳
久瘵於宰事閔凶適在於私門中解繁機特上煩於
矜惻外分憂寄復難強於支持方累鴻私更尸殊寵
既兢慙於非據輒冒昧以終辭伏蒙陛下示以優容
屢垂訓獎赦其逋慢終賜矜全猶加祕殿之隆名俯
慰窮閭之衰疾地崇祿厚尚非空食之所宜歲晚力
愆雖欲捐軀而曷報臣無任

朱炎傳聖旨令視府事謝表

卷十九四

臣某言三月二日提舉江南路太常丞朱炎傳聖旨
令臣便視府事者使指過臻訓詞俯逮敢圖衰疾尚
誤眷存中謝伏念臣曲荷搜揚久孤事付屬有能必獻
未嘗擇事而辭難無力可陳乃始籲天而求佚然方
焦思有爲之日以此懷恩未報之身苟營燕安豈免
慙慙伏蒙陛下仁惟求舊義不忘遐乃因乘輅將命

之臣更喻推轂授方之意踦履無用誠弗忍於弃捐
朽株匪材尚奚勝於器使永惟獎勵徒誓糜損臣無
任

○○○差弟安上傳旨令授勅命不須辭免謝表卷十八

臣某言伏蒙聖恩差弟安上提點江南東路刑獄以

臣衰疾就令照管仍傳聖旨令臣便授勅命更不須

辭免者江海衰殘雲天悠遠恩言狎至感涕交流謝中

伏念臣積荷知憐初無報稱豈圖賤質上簡聖心數

遣中人間因外使喻以眷懷之至意慰其憂苦之餘

生惠焉既久而彌加告矣雖頑而未捨乃至召見同

產馳賜十行之書使營私門就捐一路之謝中

悉矜及隱微追千載之遭逢殆無前比顧百身之糜

殞安可仰酬唯當祗聖訓之鴻私豈敢固愚衷之小

諒重念無傷于國體乃為不負于天慈欲以里居之

安而尸官廩之厚固已犯明義而累食功之食况復

于隆名而長昧利之風至于詞窮雖兢慙于屢黷可

以理奪終冀幸于矜從臣無任

○○○孫珪傳宣許罷節鉞謝表卷十九

臣某言二月二十二日江東轉運使孫珪到府伏奉

聖慈宣諭以臣誠情甚確志不可奪故罷節鉞春時

更宜慎愛者囊封屢黷特荷矜從使傳載馳重煩慰

撫中謝伏念臣久尸榮名寵莫報恩私既避不職之誅

更竊無功之祿閉門養疾曾未憇于朝榮擊壤歌時

顧難忘于聖力伏蒙 皇帝陛下義惟求舊仁不怠

遐故雖簪屢之遺尚蒙簡記曾是筋骸之東東敢愛糜

捐臣無任

○○○封荆國公謝表 謝特進 卷六十九

臣某言伏奉勅命授臣特進荆國公加食邑四百戶

食實封一百戶勲如故者宮庭嘉享推惠術以及人

田里空餐濫宸恩而累國中謝伏念臣苦窳賤質卷

曲散材遭值休辰登備貴器有未償之厚責無可

之微勞敢冀療身尚叨微數此蓋 皇帝陛下備

熙事答四表之歡心董正治官建一代之明制因令

疲萃與被光榮雖自誓于糜損顧何疇于賁疇臣無任

賀貴妃進位表 卷十五二

稔盛之禮發柔宮闈驩康之聲播柔寰海中賀恭惟

皇帝陛下放古之憲刑家以身乃資婦德之良俾貳

坤儀之政蓋關睢之求淑女以無險詖私謁之心鷄

鳴之得賢妃則有警戒相成之道柔以求助不專為

恩臣生逢明時竊觀盛事祝聖人之多子輒慕堯封

思令德以式歌豈慙周雅臣無任

賀生皇子表文道 卷五十九

臣某言都進奏院狀報誕生皇子者宮闈嗣慶寰

海交欣凡逮戴天惟均擊壤中賀臣聞螽斯之言衆

子是為王者之時華封之祝多男亦曰聖人之事恭

惟皇帝陛下紹祖休顯憲天昭明致文武之憂勤

成堯舜之仁孝宅師無兢莞簟之寢既安傳類有祥

弓鏃之祠屢應詒謀方永錫羨用光臣託備蕃維叨

承睿獎不顯亦世家實與承榮懷承萬斯年心敢忘

承慶賴臣無任瞻天云云

賀生皇子表 卷五十三

臣某言伏覩進奏院狀報誕生皇子者嘉慶係傳歡

欣總集臣中賀臣歷觀古昔誕受福祥厥配天所以久

長乃有子至於于意伏惟皇帝陛下鳧鷖之雅媚恭

神祇芣苢之風燕及黎庶弓鞬嗣燕祿之報旒旗仍

罷夢之祥無疆惟休永保桑苞之固有室大競方觀

椒實之蕃臣嘗汗近司久尸榮祿特荷殊憐之至豈

勝竊喜之情臣無任

第二表 卷五十四

臣某言伏覩都進奏院狀報誕生皇子者皇運邇隆

天枝彌茂照臨所暨鼓舞攸均臣中賀臣聞史紀文慶
之延豈惟十子詩歌矧微之繼爰至百男肇敏恭修
乃繁厥社恭惟皇帝陛下道冒區宇德冠往初品庶
蒙休既饗和平之樂神靈錫羨果膺蕃衍之祥臣嘗
汗近司備叨殊獎以宿痾而自困欲旅進以無階臣
無任瞻天望聖歡呼抃蹈激切屏營之至

第三表 卷十五五

臣某言伏覩都進奏院狀報七日四日誕生皇子者
慶兆六宮欣交九服照臨所暨自鼓舞惟均臣中賀竊以
堯寢告祥實帝臨之釐事牢祠錫羨乃神保於昌時

伏惟皇帝陛下追放棄勲嗣承惟象鴻名敷播已
九皇之高純嘏垂延方覃千子人衆維祺有椒俾熾
無疆臣夙冒恩憐久戶榮祿適此京驩嘉之會爾然趨
造之難臣無任

第四表 卷十五六

臣某言伏覩都進奏院狀報誕生皇子者元精孕佑
聖種挺生慶係集於官庭歡外交於寰宇臣中賀竊以
熊羆見夢種種桂獻祥厥撫會昌之期乃膺錫羨之福
恭惟皇帝陛下德高振古仁浹含生故神明之胃浸
蕃而福履之將未艾臣久尸禁多祿特荷異恩顧衰疾

此下有第
五六表刊
本位別寫
補之

之滋多望清光而獨遠臣無任

第七表 卷十五 九

臣某言伏覩都進奏院狀報誕生皇子者燕禱饗德
方儲錫羨之祥罷夢生賢克協會昌之運與在照臨
之廣敷同慶賴之深切中謝以思齊神罔時恫假樂民之
攸暨天所保佑厥惟太妣之多男國之榮懷亦曰成
王之衆子恭惟皇帝陛下令德光乎洛誦康功茂乎
岐昌鴻休無疆景命有僕蓋芣苢之薄言采采衆皆
先成則螽斯之宜爾振振宗強孰禦臣久叨眷遇適
阻進趨親值本支百世之盛時敢忘壽考萬年之善

祝

周德妃及

○○○賀魏國大長公主禮成表

并周德妃進封

臣某言伏以明告治庭寵頒恩冊家邦之慶海宇以

欣中賀

恭惟皇帝陛下荷天閔休若古丕式自禰率

而尊祖備極靈承謂姊親而先姑特加嘉徽數改錫厥

壤增衷慶所生大號已孚庶言惟允臣久尸榮祿竊睹

盛儀臚傳雖異於九賓率舞尚同於百獸臣無任

○○○賀冀國大長公主出降表

卷十五 十二

慶事備成恩紀隆洽有榮夷夏之觀厥孚邦國之休

中謝

蓋聞勿恤於有家以祉而歸吉禮儀卒獲風化

所原不有在躬之清明其能由內而成熾恭惟皇帝
陛下道光覆照教始親成篤念祖之至情致先姑之
美義庶言無間徽典有加臣叨昧殊憐衰瘵遠屏親
值榮懷之日用忘呼舞之勞臣無任

○○○賀魯國大長公主出降表 卷十五 十三

臣某言伏覩進奏院報魯國大長公主出降者占地
聘夢祥實發於先朝奠鴈告期禮甫成於外館中賀
臣聞親成經五禮之始睦媪貫六行之中善與物昌
慶惟時賴恭惟皇帝陛下齊家而國治睦族而民雍
恩隆天屬之尊禮重王姬之降慎所選尚燕及文母
之慈厚於送歸追成穆考之孝臣叨陪輿運獲觀
儀雖句臚中絕於九賓然呼舞外均於百獸臣無任

○○○賀康復表 卷十五 十四

臣某言天佑俊德永錫康寧三靈一心所共欣慶中賀
竊以執契踐運寶命在躬無疆惟休何恙不已伏惟
皇帝陛下堯仁舜孝充假彰聞惠於神民循道不越
雖勤勞庶慎衛養小愆而福履綏將旋日底豫平格
獲佑效驗甚明而臣衰疾所嬰久違宸宇聞傳踴躍
倍百群黎臣無任

賀南郊禮畢肆赦表二道 卷十五 十六

臣某言伏覩十一月二十五日南郊禮畢大赦天下者精意上昭神靈底豫茂恩旁暢夷夏接和中賀臣聞道以饗帝爲難禮以配天爲至有秩斯祐唯四表之歡心胡臭亶時匪九州之美味自古在昔若聖與仁厥遭昌辰乃覩熙事恭惟皇帝陛下邁種三德敷奏九功率籲奉璋之衆髦肇稱奠璧之新禮廟邊致孝郊血告幽誠旣格於穹旻福遂均於品庶振憂矜寡原宥青莪第五玉以褒封善人是富發三錢而慶賜賤者不虛天其居歆人以呼舞臣夙叨寵獎親值休成雖無與於駿奔實不勝於竊抃臣無任

賀南郊禮畢表二

卷十五 三十三

臣某言伏覩今月初五日南郊禮畢大赦天下者精明條達神睠顧而依懷膏澤川流人歡呼而蹈厲賀臣聞語孝之至莫大於配天議禮而輕不足以享帝能舉釐事實歸聖時恭惟皇帝陛下鴻化已昭康年屢應奔走邊豆有董正之治官潔豐粢盛有底慎之財賦禮成穀旦恩浹綿區雖洛誦之休明尚難譬稱豈兒寬之淺陋能盡揄揚臣夙荷慈憐方嬰衰瘵望九賓之紳笏獨遠甸傳狎百獸於山林猶知率舞臣無任

○○○賀明堂禮畢肆赦表 卷十五 三十四

臣某言伏覩今月二十二日明堂禮畢大赦天下者
蒐講上儀神天底豫敷施大號夷夏交欣中賀蓋聞
聖以享帝為難孝以嚴父為至周右烈考或委政而
弗專漢詔諸神或竊禮而無實恭惟皇帝陛下道包
眾甫運會不平巍巍成功堯之所謂大業業致考舜
之所由昌涓選休辰肇稱嘉饗百禮既至而正惟已
獨萬壽攸酢而福與眾均臣久冒眷憐方嬰疾疾奉
承邊豆乃獨後於臣工踰舞笙鑼竊自同於鳥獸臣
無任

五十八卷

新刻臨川王介甫先生文集卷五十九

表

○○○賀冬表八道 卷十五 二十四

臣某言伏以庶彙潛萌上儀亞歲室告氣行之協臺
占瑞至之嘉恭惟皇帝陛下考敦復以大中籲朋來
之眾俊剛健之德與陽皆亨壽昌之期如日方永臣
叨榮近列櫻疾殊方鳧趨獨後於在庭爵躍實深於
存闕臣無任

第二表 元豐三年 卷十五 二十五

臣某言伏以寶曆無疆嘉時有俶物潛萌而赤色氣

順動而黃宮中謝恭惟皇帝陛下道協乾行德同陽

感體一元而獨復毓萬寶以皆昌永御丕平備膺純

嘏臣寢嬰衰疾久隔清光迹雖屏於丘園志不忘於

宸宇臣無任

第三表 元豐四年 卷十五 二十六

臣某言伏以萬寶潛萌應黃宮之協氣百工胥慶亞

正歲之上儀中賀恭惟皇帝陛下體御至神詔揚獨

智武烈丕承平前載堯明光被平多方茂對斯時備

膺諸福臣比緣衰疾獨遠清光雖存闕之不忘尚隨

庭之未獲臣無任

第五表 元豐六年 卷十五 二十七

臣某言伏以氣復黃宮茂對物滋之始晷移北陸宮

賓日至之長中賀恭惟皇帝陛下道與時行化猶天

運嗣無疆而履位建有極以宜民甫臨陽長之期大

襲福綏之慶臣恩容居里病阻造庭雖薦壽以無階

顧馳心而曷已臣無任

第六表 元豐六年 卷十五 二十六

臣某言伏以陰階物極陽與朋來推歷玩占乃見潛

萌之信體元御辨以知敦復之中中賀恭惟皇帝陛

下舜孝禹功文謨武烈茂對時之福蝦靈承旅以壽

山下有第
四表別鈔

三臨川文集卷五十九
康臣久冒朝榮外叨方任弗與稱觴之未豈勝存闕
之深臣無任瞻天望聖激切屏營之至

第七表 卷十五 二十九

臣某言伏以候始三微氣萌萬彙謹觀臺之占瑞亞
獻歲以陳儀中賀恭惟皇帝陛下祇適燕謀靈承休
運先一陽而獨復歛諸福以朋來臣屬此養痾藹然
在遠傾心舜日欣實景之踐長仰首堯天祝壽祺而
等久臣無任

七

臣某言伏以運與陽升晷借日至儀亞三朝之會氣
先五刻之占中賀恭惟皇帝陛下茂對斯時備膺
福御至和之玉燭撫七八順於璿璣臣竊望清光獨嬰
衰疾徒有懷於率舞乃弗預於稱觴臣無任

八

臣某言伏以一陽氣復萬寶萌生天效五雲之祥律
應三統之首茲為大慶允屬熙朝中賀恭惟皇帝陛
下道泰犧軒德深堯禹文物聲明之昭爛神祇祖考
之安寧適丁至治之期矧及履長之序萬靈墮祉四
海交歡而臣身處江湖地遙宸極瞻天日之表阻獻
於壽觴望雲龍之庭徒傾於驩頌臣無任

○○○賀正表五道 元豐二年 卷五十七

臣某言伏以漢儀高會中賀以登四海之圖周曆俯頌乃
憲百官之象中賀恭惟皇帝陛下含德淵懿撫辰休
嘉乘姑射之雲龍所更者化存胥敷於蓬艾各遂其
生運與日升道侔乾始臣尚依粉社獨隔楓宸縮瞻
朝著之班竊慕封人之祝已無任

第二表 元豐三年 卷五十八

獻歲初吉端月始和萬寶取新之元九儀告慶之會
中賀恭惟皇帝陛下體神蹈智抱一建中允迪墓勲
永膺孚祐德日新而有傲福時萬以無疆臣特荷寵
光久嬰衰疾雲天在望惟縮想於句傳麋鹿與沙豈
暫忘於率舞臣無任

第三表 元豐四年 卷五十九

寶曆無疆嘉生有傲厥初獻歲之吉乃始端月之和
中賀恭惟皇帝陛下常德日新景福時萬體泰元而
難老閱衆甫以皆昌臣久負異恩尚嬰衰疾瞻雲紛
郁想朝路以載欣愒日舒長與疇人而胥樂臣無任

第四表 元豐四年 卷五十九

寶曆無疆嘉生有傲門憲始和之象庭充元會之儀
中賀伏惟皇帝陛下膺保永圖綏將純嘏撫五辰而

致順毓萬物以皆昌臣久負異恩尚嬰衰疾瞻雲煥爛欣逢舜日之華擊壤消搖樂得夏時之正臣無任

五七表 卷十五 二十三

馭正夏時更端周曆體一元而敷惠適與春浮歛諸

福以代新方侔川至中賀恭惟皇帝陛下誕昭明德

祗燕孫謀齊七政以當天順五辰而凝績用求協氣

以阜嘉生闕於古之上儀肆三朝之盛會仰同星拱

竦百辟以在庭追效嵩呼極萬年而薦壽臣桑榆晚

景麋鹿並遊進莫與於臚傳退但知於率舞臣無任

辭免南郊陪位表

伏奉詔書令發來赴闕南郊陪位者萬國駿奔焯上

儀之殊觀一夫幽屏叨明命之特招中謝伏念臣竊

祿已多冒恩最渥自致惓惓之義實有素情再瞻穆

穆之容豈非榮願而繭然暮景櫻以沉痾伏賦畝以

負茲於今未已侍壇垓而踐豆用此為妨臣無任

○○○ 辭免明堂陪位表 卷十六 四十六

臣某言伏奉詔書令發來赴闕明堂陪位者合宮不

享寰宇駿奔冒被優詔之加使陪顯相之末中謝伏

念臣投身荒遠土負眷憐企踵禁嚴久勞監寐况宗

祈之盛禮辱號召之明恩當即辦嚴豈容辭疾而沉

宗本上缺

此下有第
五六表今
本不載別
鈔補之

冥浸劇黽勉實難心若子牟雖每存於魏闕身如楊
僕乃自外於漢關臣無任

○ ○ ○ 謝 詔免南郊陪位謝表 卷十六 十六

臣某言近具表為疾病乞免赴闕南郊陪位伏蒙聖
慈特賜詔書許免者螻蟻惓惓土千旒宸雲天顛顛
下責立園 中謝 臣憊矣微生頽然暮齒冒恩鼎食非
堅臥以為高承命旌招宜駿奔而反後顧緣衰疾致
隔清光伏蒙皇帝陛下特赦尤違曲垂念聽部昏難
望尚延舜日之華荒翳易遺更獲堯雲之閔臣無任
感天荷聖恩切屏營之至
○ ○ ○ 謝 詔免明堂陪位謝表 卷十六 十七

臣某言近具表為疾病乞免赴闕明堂陪位伏蒙聖
慈特賜臣詔書許免者駿奔弗獲內懷逋慢之誅寵
吝曰俞上荷眷憐之至 中謝 伏念臣久違祕近遂迫
衰殘長負異恩固難逃於幽黜敢圖釐事乃復與於
詳延輒冒布陳重煩矜允鴻私所被藏一札以知榮
旅力已愆殞百身而何及臣無任

○ ○ ○ 加食邑謝表二道 卷十六 十八

臣某言伏奉詔命加食邑四百戶實封一百戶者顯
相郊宮固宜寵獎曠居田里乃濫褒嘉 中謝 伏念臣
尚負宿痾久尸榮祿無可論之薄效有未報之隆恩

方國明禋庶工祗載奉璋執豆旅幣獻琛具輪奔走
之勞獨抱滯留之歎豈圖踈迹亦冒龍光此蓋皇帝
陛下荷休駿麗歛福敷錫故雖幽屏弗以遐遺身每
被於慈憐心敢勞於勤策臣無任

○○○ 謝加南郊恩表 卷十六 十一

解澤旁流明綸俯被永惟叨昧深以競榮中謝竊以

時郊丘之承所以尊上帝疇官邑之賜所以富善人
盛福靡專至恩惟稱臣久塵要近上累昭明方玉輅
之親祠以銅符而外守逮均休慶例獲褒嘉此蓋伏
遇皇帝陛下以平施於萬方無遐遺之一物矧蒙圖

任之舊特荷獎知之深祗服訓辭敢忘報禮臣無任

○○○ 賜生日禮物謝表五道 卷十九 十九

璽書加獎臺餽示優屈使者之光華發里門之榮耀

中謝竊念臣才非秀穎勢又羈單方少也臣父教臣

以爲已之方及長也臣母勉臣以許國之節叨踰至
此稱效缺然慈訓久孤每感劬勞之日恩頒荐至更
慙明盛之朝此蓋伏遇皇帝陛下智臨方來慈保臣
庶嘉以物多而備禮使知意厚而盡心敢不自竭斷
斷之能庶以少申惓惓之義臣無任

第二表 卷十九 六

慰藉溢言匪頒異數荷恩勤之及此思報稱以茫然
中謝伏念臣謬簡神心叨陪大政以久孤之樸學當
難遇之盛時雖罄愚忠何裨聖治門孤可想方永念
於劬勞臺餽有加更上煩於寵獎此蓋伏遇皇帝陛
下施仁品物致禮臣鄰將備責於安危故俯同於憂
樂所願輸勞而後食敢知得賜之爲榮矧生已之至
恩已云不報獨事君之大義庶或無慙臣無任

三

臣某言伏蒙聖慈以臣生日特降詔書賜臣羊酒米
麵者書名間史適在斯辰拜使家庭猥叨異數中謝

伏念臣才非經國幸實遭時徒塵宰席之延初乏辰
猶之告敢圖恩獎俯逮燕私此蓋伏遇皇帝陛下寵
厚近班率循前憲因令疵賤獲被龍光敢忘夙夜之
勤以稱乾坤之施臣無任

四

臣某言伏蒙聖慈特差臣男太子中允雱押賜臣生
日禮物衣一對衣著一百匹金花銀器一百兩馬二
匹金鍍銀鞍轡一幅者劬勞之感方愴於私懷寵獎
之加更慙於異數中謝伏念臣早塵祿仕多歷歲年
初無橫草之勞但有敗林之愧進膺重任久曠隆恩

敢圖誕毓之辰更冒匪頒之澤此蓋伏遇皇帝陛下
惇修故事優眷近司屈聖制以褒嘉示殊私於錫予
永惟叨昧弥積震驚撫已冥亮難酬於盛德惟時忠
慎竊自誓於愚誠臣無任

五

臣某言伏蒙聖慈特差入內內侍省內東頭供奉官
馮崇道傳宣撫問及就府賜臣生日禮恤金花銀器
一百兩衣著一百匹衣一對金鍍銀鞍轡一副并纓
複馬二匹湯藥一銀合御封全者微勞不效僅逃三
典之科厚禮有加尚躋九儀之等

中謝

臣外叨睿

作誤眷憐已隳考翼之基重負母慈之教迫劬勞於
晚節方不自勝惟蕃庶之舊恩終無以稱伏蒙皇帝
陛下更馳膚使曲喻至懷駟駿靈珍琛奇組麗豈下
流之敢及皆前此之所無金厄淑旂多錫誠榮於既
往鈎刀駑馬強扶難冀於將來雖天地弗責其謝生
顧臣子敢忘於至死臣無任

給蔡卞假傳宣撫問謝表

卷十九 六

伏蒙聖恩以臣疾病特給蔡卞假將臣女子省侍令
卞傳宣撫問諭以調養者飭暨遣使已叨訓勉於禔
身輟侍予寧重累顧哀於慈子教言狎至感涕交流

臣趣尚缺如遭逢榮甚竊食浮而廢任特負知憐昧
祿殖以挺災終貽罪疾伏遇皇帝陛下地容天幃雲
蔭雲濡响吹晚出於更生拊僂申加於瀕死譬如造
化難紀叙於曲成雖曰糜捐敢稱論而上報臣無任

○ ○ 甘師顏傳宣撫問并賜藥謝表

卷十九 七

臣某言膚使寵辭載華原隰寶奩珍劑加賁立園臣

中謝

伏念臣少出衡茅晚陪帷幄德輶寄重才淺知

深但念里居長負丘山之責敢期宸眷尚留簪履之
矜此蓋伏遇皇帝陛下天幃無疆海函不棄戴難忘
之盛德豈特銘肌撫易盡之餘生唯當結草臣無任

○ ○ 李舜舉賜詔書藥物謝表

卷十九 八

臣某言輟宮闈親近之臣臨湖海寬閑之野授之藥

物撫以詆辭尸厚祿而無勞謂當誅絕捐大恩而不

報彌所競慙臣

中謝

伏念臣本出羈單自甘淪棄晚

由林學上誤聖知智曾昧於保身忠每懷於許國讒
誣甚巧切憂解免之難危拙更安特荷眷憐之至况
遠迹久孤之地實邇言易間之時而離明昭晰於隱
微解澤頻繁於踈迤此蓋伏遇皇帝陛下以上仁舍
垢以大智容愚弗使南箕得侈簸揚之狀更令北戶
坐蒙臨照之光爾然垂盡之病軀沲若橫流之感涕

惟困窮無理猶致命於一餐顧冒昧不貲敢忘懷於九死臣無任

○○○謝中使撫問謝表 卷十九八

臣某言孤臣疲曳自阻進趨上主慈憐猶加撫諭中謝伏念臣晚陪休運特荷異恩橫草無功每恨棄軀之晚負薪有疾仍慙制祿之優豈謂陛下所總萬機不忘一物迺因輶軒之出俯逮躋履之遺仰荷眷私唯知感涕臣無任

又 卷十九九

臣某言去國彌年屢煩慰恤乘輅便道復賜撫存中謝伏念臣冒恩殊深奉事多廢久素餐而無責方宿疚之有加弗以遐遺實仰慙於眷遇莫知上報徒永誓於糜捐臣無任

○○○ 賜湯藥謝表 卷十九 十二

臣某言隆恩博施弗以遐遺弱力薄才豈能仰稱中謝臣久孤重任上誤聖知特荷眷憐備昭誠悃付以便安之郡休其疲曳之軀跋涉之路未窮問勞之恩先至璽書甚厚藥物兼珍此蓋伏遇皇帝陛下不冒海隅寵綏臣度簪履之舊不忍於棄忘雲天之高每存於庇幃永惟報効徒誓糜捐臣無任

中使傳宣撫問并賜湯藥及撫慰安國弟亡謝表 卷十九 二十

臣某言便蕃曲澤雖遠不忘晚晚餘年懼終莫報伏念臣辭恩機要藏疾里閭既疲瘵之末夷顧憂傷之重至仰煩春獎特示閔憐中飭使輶備宣恩厚寵頒藥物深念衰殘此蓋伏遇皇帝陛下日月照臨乾坤覆燾俯矜舊物曲軫睿慈始終顧遇之私人知無替存沒榮懷之感情實難勝臣無任

李友詢傳宣撫問及賜湯藥謝表

卷十九 二十一

臣某言伏奉聖慈特差李友詢扶護亡男雱棺柩到府并撫問者孤臣特荷慈憐未獲捐軀報德賤息比叨寵獎復以遺骨累恩臣中謝伏念臣夙積自躬凶流及嗣因仍積歲藏厝不時敢謂私憂上貽聖慮伏蒙皇帝陛下飭遣親使護致旅棺使亡子之魂即安於窀穸天性之愛得盡於莫年申之訓辭撫以藥物眷被終始施兼存亡銘骨不足以叙欲報之心瀝肝不足以繼感泣之血獨恨既愆之力莫知自効之方臣無任

賜衣服銀絹等謝表 卷十九 十六

臣某言今月十一日准都進奏院遞到詔書并別錄

賜臣衣服金帶魚袋銀器絹銀鞍轡馬者慰藉溢言
上辜寵眷匪頒異數特荷慈憐臣晚以薄材嘗陪興
運華原之簪未憇每辱矜收橋山之劍初遺獨悲淪
沮伏蒙皇帝陛下勤追考翼厚勉臣中遠被寵光申
加蕃庶雖負薪之未力難效驅馳顧結草之殘魂猶
知報稱臣無任

○○○中使宣醫謝表

卷九十一

臣某言乘衰櫻厲敢意澆聞軼舊垂矜曲加寵數卽
馳近御兼飭太醫錫以寶奩實之珍劑創殘再肉顛
眴更蘇沓被慈憐不勝負荷臣叨恩缺報昧祿取災
果崇降以疾歿至上煩於愍惻此蓋伏遇皇帝陛下
履簪念厚軒幄眷深天弗顛而亦臨雲甫瞻而旣雨
哀逾察父感劇孤臣論可報之涓埃難知稱效塞未
填之溝壑徒誓糜捐撫涕沆瀾捫心踟躕臣無任

○○○差張諤醫男雱謝表

卷九十一

臣某言伏蒙聖慈特差中使傳宣撫問并賜臣男雱
湯藥押冲靜處士張諤至本府醫治者最爾餘生備
叨眷撫爾然賤息更荷哀憐

中謝

臣初乏將明之材

適遭開泰之運父子並蒙寵獎臣鄰莫與等夷去闕
以來歷時未久問勞狎至憂軫俯加以察父之鴻私

施具臣之晚節但慙疲曳莫副馳驅冀憑天地之恩
得全駒犢之命永依鞭策共誓糜捐臣無任

○○○賜曆日謝表 卷二十三

臣伏以太史序年將謹人正之授遠臣尸祿乃叨天
指之加臣中謝竊以欽若昊穹靈承黎庶正時所以
作事治曆所以明時恭惟皇帝陛下道邁古初德綏
方夏治教之象上協於天心正朔所加外通乎海表
敢圖幽屏亦誤寵頒徒尊閣以知榮曷糜捐之可報
臣無任

文 卷二十四

臣伏以清臺課曆肇明一歲之宜列郡仰成欽布四
時之事闕文切林拜賜爲榮恭惟皇帝陛下躬包曆
數政順璣衡齊日月之照臨體乾坤之闔闢考觀新
度遠存堯象之明推步大端猶得夏時之正盡俯仰
察觀之理槩裁成輔相之宜歲事備存詔文偕下先
天誕告間無杪忽之差率土逢古驗若節符之合臣
敢不恭承睿旨順考時行替聖神化育之功極天人
和同之効奉而行政期不戾於陰陽推以治人庶克
躋於富壽臣無任

新刻臨川王介甫先生文集卷五十九